

重校刻平津館叢書

第

集



14496

續古文苑卷第十六

賜進士及第授通奉大夫山東通省督糧道加三級孫星衍撰

碑志二

求臨澧侯劉使君墓誌

曾祖宋孝皇帝祖諱道鄰字道鄰侍中太傅長沙景

王妃高平平陽檀氏字憲子諡曰景定妃父暢道淵

永寧令祖貌稚巖琅邪太守合葬琅邪臨沂莫府山

父諱義融字義融領軍車騎桂陽恭侯夫人琅邪臨

沂王氏字韶風父簡長仁東陽太守祖穆伯遠臨海

太守合葬丹徒練壁雩山所生母湯氏宣城人葬練

壁雩山兄覬茂道散騎常侍桂陽孝侯夫人廬江瀾

續苑十六

何氏憲英父愉之彥和通直常侍祖叔度金紫光祿

大夫合葬練壁雩山第三弟彪茂蔚祕書郎葬江乘

白山三字補夫人河南陽翟褚氏成班父方回太傅功

曹祖叔度雍州刺史第四弟寔茂三字補軼太子舍人

夫人琅邪臨沂王氏淑婉父津景源中書郎祖虞休

仲左衛將軍合葬三字補江乘白山第五弟季案宋書

此有茂通海陵太守葬練壁雩山夫人陳郡陽夏袁

補今氏妙口父淑陽源太尉忠憲公祖豹士蔚丹楊尹

第一姊茂徽嬪陳郡長平殷臧憲郎父元素南康太

守祖曠思秦口軍功曹重嬪琅邪臨沂王閔之希損

鎮西主簿父昇之休道都官尚書祖敬左光祿儀

同第二姊茂華媿廬江灣何求子有祕今書郎父鎮

長安宜都太守祖尚今之彥德司空簡穆公第三姊

茂姬媿平昌安邱孟詡元亮中軍參軍離案謂離父

靈休今太尉長史祖昶彥遠丹楊尹第四姊茂姜媿

蘭陵蕭惠徽中書郎父思話征西將軍儀同三司祖

源之君流前將軍第五妹茂容媿蘭陵蕭贍叔文父

斌伯蓐青冀二州刺史祖摹之仲緒丹陽尹重媿濟

陽圍蔡康之景仁通直郎父熙元明散騎郎祖廓子

度太常卿第六妹茂源媿濟陽考城江遜孝言父湛

徽淵左光祿儀同忠簡公祖夷茂遠前將軍湘州刺

史重媿琅邪臨沂王法興驃騎參軍父翼之季弼廣

續苑十六

州刺史祖植之公幹侍忠夫人濟陽考城江氏景娒

父淳徽源太子洗馬祖夷茂遠前將軍湘州刺史第

一男晃今長暉出後兄紹封桂陽侯第二男旻淵高

拜臨澧侯世子第三男嵩淵華第四男量淵遂出後

第四弟寔第五男口淵穎第六男旻淵平第一女麗

昭第二女麗明第三女小字僧歸亡葬口口

宋故散騎常侍護軍將軍臨澧侯劉使君墓誌

君諱襲字茂德南彭城人宋高祖武皇帝弟景王之

穆也神姿韶雅風譽夙懋弱冠拜祕書郎逮二凶肆

禍人倫道消君身離幽執僅免虎口事清還復舊職

以母憂去官既除又拜祕書郎轉太子舍人自升口

二宮令望允緝出爲鎮蠻護軍廬江太守莅政平簡
聲績兼著遷明威將軍安成太守屬中流構豐四表
迷逆君英議獨發招會如神故能以一口之旅剋濟
忠節義超終古誠冠當今皇朝欽嘉爵賞取榮除輔
國將軍郢州刺史封建陵縣開國侯俄徵太子右衛
率加給事中未拜遷侍中冠軍將軍改封臨澧縣開
國侯鎮肅石頭實當關要之寄遷左衛將軍未拜仍
除中護軍春秋卅有八泰始六年三月十日薨於位
聖主嗟悼朝野傷悲有詔故中護軍臨澧縣開國侯
志行貞純才用理濟忠勳著於艱時勲績倡乎泰運
年志始壯奄焉凶折悲傷惻割實兼常懷思加寵數

續苑十六

三

以申哀榮可贈護軍將軍加散騎常侍餘補今如故謚
曰忠侯粵五月廿七日庚寅將葬于琅邪之乘武岡
以悲幽明之殊隔傷一訣而永分仰清徽而攬淚俵

元石而裁文其辭曰

義峩山岳效靈允矣君子誕膺休禎支蔭帝宇

締慶文明德以行高仁與華二宮官政兩服

國步時屯艱難斯屬忠則忘家義實光族朝迺欽庸

以望既歸寵惟或侍帝言或司蕃戎

方牙美家邦如何不躬芳稍述

日月有時考辰筮吉堂啓基深泉永窆長悲

案此碑曾祖以下列在題前與北魏崔暹志同例餘不多見

宋張氏墓誌

宋故臨渭縣侯湘東太守張府君諱濟夫人王氏諱靜姬第三女推兒春秋卅有一亡於偏憂元徽元年十月甲辰十七日庚申權假窀穸於西鄉

遠葉蘭飛浚源琬潔履順早辰含章妙歲選史圖容循詩範節皎鏡冬泉優柔春蕙澗北扭行營東慙藝冥味慶善宵翳壽仁泣血膏性團憂殲身罷景方旦摧華載春壠木已藹墓草行陳朱火幾爛元夜無晨

故永陽敬太妃墓誌銘

梁徐勉

永陽大太妃王氏琅邪臨沂人也其先周靈王之後自秦漢逮於晉宋世載光口羽儀相屬既以備于前

續苑十六

四

志故可得而畧焉祖粹給事黃門侍郎父儼左將軍司馬尋陽內史並見稱時輩太妃體中和之氣稟華宗之烈蹈此溫恭表茲淑慎孝敬資於冥發仁愛口於自然至乎四教六訓之閑工言貞婉之德無待教成罔不該備故景行著于中口淑問顯乎言歸作嬪盛德實光輔佐親縫幕之用躬服澣之勤及早世釐居遣孤載藐提攜撫育逮乎成備斷織之訓既明闔門之禮斯洽劬勞必盡曾不移志用能緝睦于中外亦以濟乎艱難雖魯姜之勤節曹妃之敬讓方之蔑如也皇業有造殷憂啓聖追惟魯衛建國永陽恭王纂嗣蕃號式顯迺拜爲太妃策曰維天監二年六

月甲午朔十日癸卯皇帝遣宗室員外散騎侍郎持節兼散騎常侍蕭敬寶策命永陽王母王氏爲國太妃曰於戲惟爾茂德內湛粹齡範外昭國序凝芬蕃庭仰訓是用式遵舊典載章徽服往欽哉肅茲休烈可不慎歟備瑜璣之華而降心彌約居千乘之貴而處物愈厚旣而恭王不永禮從■訓導嗣孫載光榮社年高事重志義方隆宜永綏福履而奄奪鴻慶以普通元年十月廿三日遘疾十一月九日己卯薨於第春秋五十有九詔曰永陽大太妃奄至薨逝哀摧切割不能自勝便出敘哀可給東園祕器喪事所須隨由■辦祖行有辰式因茂典又詔曰故永陽大

續苑十六

太妃禮數有殊德行惟光訓範蕃嗣式盛母儀即遠戒期悲懷抽割可詳典故以隆嘉謚禮也粵其月廿八日戊戌祔瘞于琅邪臨沂縣長千里黃鵠山用宜風烈以昭弗朽迺爲銘曰
清瀾悠邈其儀尚矣龍光疊照風流世紀猗歟罔匱於昭不已誕資仁淑作嬪君子幽閑表操明德自躬推厚處薄秉默居沖參差採芼揜映言工鑒昭彤管識懋休風凝芬載湛芳猷允塞徙舍爲訓止閭成則曹號母儀豈伊婦德穆茲閭闔形于邦國龍飛集運禮數攸鍾憲章盛典車服有容泰而愈約貴則彌恭蕃祉方茂纂嗣克重巾帶差池朝夕咸事雖曰任傅

永請斯備是惟仁姑厥德可庇恂恂濟濟蘭芬瓊祕
光陰易晚祺福難留閨儀罷映綸華奄收奠遷朱邸
駕指行楸芳■是勒大■方攸 尚書右僕射太
子詹事臣勉奉救撰

丹陽尹湘東王善政碑

梁 裴子野

皇上建顯號垂鴻名廣大配乎天地光華象乎日月
長駕遠撫橫逸乎都外策鏡區域充塞乎無垠上冠
九垓旁濟八表制禮以告成功作樂以彰治定福應
允臻祥慶符合六府孔修九官咸事於往歲也有司
奏以湘東王爲宣惠將軍丹陽尹旣而下車爲政振
民育德循名責實舉無遺慮若夫據饋累起求賢如

續苑十六

六

不及卑身折節用人若由己玉帛旅於丘園辟書交
乎塗路求餘論於政府想遺風於舊哲延儒生於東
閣命文學於後車重門洞啓列筵廣置四民摠至獄
訟殷集王兼而治之綽有餘裕上⑤其禮下悅其風
虛往實歸人得所至由是百吏仰成具僚斂衽千里
之閒有懷必亮躬親勸課賦政授時辨相物宜務盡
地利由是仍歲有秋餘糧栖畝是以縉紳先生愀然
相顧遂造象魏拜而陳之有詔報曰織介之善春秋
必書吏民歸美難用抑絕於是二三君子歡得所奏
乃擇工良匠追石名山撰德選辭興事篆刻俾萬代
之下知斯文之在斯銘曰

茫茫禹迹經啓萬方平秩肇定曰若我皇并苞九域
畫野分疆猗歟帝子日就月將疏爵分品奄有瀟湘
君王光啓旣表南國肇允神童飜飛上德導達元微
優游翰墨行成師範文爲麗則帝曰爾諧出康庶績
勿替敬典大猷允迪我王顯允洵美且麗夙夜乾乾
有隆无替光贊大朝庇民濟世京邑翼翼永承嘉惠
魏故中書令祕書監使持節督兗州諸軍事安

東將軍兗州刺史南陽文公鄭君之碑

公諱羲字幼麟司州熒陽開封人也肇洪源於有周
胙母弟以命氏桓以親賢司徒武以善職並歌緇衣
之作誦乎弈世降逮於漢鄭君當時播節讓以振高

續苑十六

七

風大夫司農創解詁以開經義迹刊圖史美灼二書
德音雲鬣碩響長列揚州以十策匡時司空豫州以
勳德著稱高祖畧恢亮儒素味道居眞州府招辟莫
之能致值有晉弗竟君道陵夷聰曜虔劉避地冀方
隱括求全靜居自逸屬石氏勃興撥亂起正徵給事
黃門持節遷侍中尚書贈揚州刺史曾祖豁以明哲
佐世後燕中山尹太常卿濟南貞公祖温道協儲端
燕太子瞻瞻同事父暉仁結義徒績著靈邊拜建威
將軍汝陰太守繇榮千載聯光百世自非積德累仁
慶屆無窮其孰能傳輝踵美致如此之遠哉可謂身
沒而名不朽者也公稟三靈之淑氣應五百之恒期

乘和載誕，文明冠世。篤信樂道，據德依仁。孝弟端雅，寡言愍行。六藉孔精，百氏備究。八索九丘，靡不昭達。至乎人倫禮式，陰陽律曆，尤所留心。然高真沈默，恥爲傾側之行，不與俗和。絕於趣向之情，常慕晏平仲、東里子產之爲人，自以爲博物不如也。蘊斯文於衡泌，延德聲乎州閭。和平中舉秀才，荅策高第，擢補中書博士。弥以方正自居，雖才望稱官，而乃歷載不遷。任清務簡，遂乘閑述作。注諸經論，撰話林數焉。引同卷莫不元契聖理，超異恒儒。又作孔顏謠靈巖頌及諸賦詠，詔策辭清雅博，皆行於世也。以才望見陟，遷中書侍郎，又假員外散騎常侍、陽武子。南使宋國，宋主

續苑十六

八

客郎孔道均就郎設會，酒行樂作，均謂公曰：樂其何如？公荅曰：哀楚有餘，而雅正不足，其細已甚矣。而能久于于同均，嘿然而罷，移年而蕭氏滅宋。雖延陵之觀昔詩，鄭公之聽宋樂，其若神明矣。朝廷以公使協皇華，原隰斯光，遷給事中。中書令、總司文史、敷奏惟允國之律令，是所議定。公長子懿，豈容和令，器望兼資。早綜銓衡，能聲徽著。敦詩悅禮，尤精易理。季子道昭，博學明儒，才冠祕穎，研圖注篆，超侍紫幄。公行於前，吏部祕書隨其後。凡厥庶寮，莫不欽其人。也於時有識比之三陳，後年不盈紀懿，給事黃門侍郎、太常卿、使持節督齊州諸軍事、平東將軍、齊州刺史、道昭

祕書丞中書侍郎司徒諮議通直散騎常侍國子祭
酒祕書監司州大中正使持節督光州諸軍事平東
將軍光州刺史父官子寵才德相承海內敬其榮也
先時假公太常卿熒陽侯詣長安拜燕宣王廟還解
太常其給事中中書令侯如故縱縱同容鳳閣動斯
可則冠婚喪祭之禮書疏報問之式比之制矣民肯
行矣雖位未槐鼎而仁重有餘太和初除使持節安
東將軍督兖州諸軍事兖州刺史南陽公德政寬明
化先仁惠不嚴之治穆如清風旃桑有敬讓之高朝
市無鞭戮之刑卽道之美不專於魯矣太和中徵祕
書監春秋六十有七寢疾薨於位凡百君子莫不悲

續苑十六

九

國秀之丞沈哀道宗之長沒皇上振悼痛百常往遣
使贈襚策贈有加諡曰文祭以太牢以太和十七年
四月廿四日歸葬乎熒陽石門東南十三里三皇山
之陽於是故吏主簿東郡程天賜等六十人仰道墳
之緬邈悲鴻休之未刊乃相與欽迷景行銘之元石
以揚非世之美而作頌曰

爰鑒往紀稽覽前徽有賢有聖靡弗應時繇實契妣
旦亦協姬於穆鄭公誕叡應期伊昔桓武並美司徒
恭惟我君世監祕書三墳尅闡五典允敷文爲辭首
學實宗儒德秀時哲望高世族灼灼獨明亭亭孤邈
式胄三雍鄒風再燭作岳河兗澤移草木慶靈長發

繼葉傳光君旣挺發允亦含章文義襲軌朱紱相望
刊石銘德與日永揚

永平四年歲在辛卯刊上碑在直南卅里天柱山之
陽此下碑也以石好故於此刊之

魏代揚州長史南梁郡太守宜陽子司馬景和

妻墓誌銘

夫人姓孟字敬訓清河人也蓋中散大夫之幼女陳
郡府君之季妹夫人資含章之淑氣稟稟懷徽之奇
風芬芳特出英華秀生婉問河洲鼓鐘千里年十有
七而作嬪於司馬氏自笄笄髮從人檢無違度四德
孔循婦宜純佑備奉甥姑以恭孝興名接娣姒以謙

續苑十六

十

慈作稱恒寬心靜質舉成物軌謹言慎行動爲人範

斯所謂三宗厲矩九秩族承規者矣又夫人性窈窈

妒媿多於容納敦桃天之宜上薦小星之暵下故能

慶顯螽斯五男三女出入閨闈諷誦崇禮義方之

誨旣形幽閑之教亦著然盡力事上夫人之勲夫婦

有別夫人之識捨惡從善夫人之志內宗加密夫人

之恤姻於外親夫人之仁夫人有五器而加之以躬

儉節用豈悟天道無知與善徒言享年不永凶厝橫

集春秋卅有二以延昌二年夏六月甲申朔廿日癸

卯遣疾奄忽薨於壽春嗚呼哀哉粵三年正月庚戌

朔十二日辛酉歸葬於鄉墳河內温縣温城之西寔

以營原興，竈野成丘。故式述清高，而爲頌云。
穆二夫人，乘和誕生。蘭蓀蕙糝，玉潤金聲。令問在室，
徽音事庭。方孚洪烈，範古流名。如何不淑，早世徂傾。
思聞後葉，刊石題誠。

魏崔敬邕墓誌銘

祖秀才諱殊字敬異。

夫人從事中郎趙國李休女。

父雙，護中書侍郎冠軍將軍豫州刺史安平敬侯。

夫人中書趙國李詵女。

魏故持節龍驤將軍督營州諸軍事營州刺史征虜
將軍大中大夫臨青男崔公之墓誌銘

續苑十六

七

君諱敬邕，博陵安平人也。夫其殖姓之始，蓋炎帝之

允。其在隆周，遠祖尚父，實作太師，秉旄揚尅，佐撫

殷若，乃遠源之富，奕世之美，故以備之前冊，不待詳

錄。君卽豫州刺史安平敬侯之子，胄積仁之基，累榮

構之峻，特稟清貞，少播令譽，然諾之信，著於童孺，瑤

音玉震，聞於弱冠，年廿八而雋華茂實，以響流於京

夏矣。被旨起家，召爲司徒府主簿，納贊槐衡，能和鼎

味，俄而轉尚書都官郎中。時高祖孝文皇帝將改制

創物，大崇革正，復以君兼吏部郎，詮敘彝倫，九流斯

順。太和廿二年春，宣武皇帝副光崇正，妙簡宮衛，復

以君爲東朝步兵，景明初，丁母憂，還家居喪，致毀幾

於滅性服終朝廷以君膽量凝果善謀好成臨事發
奇前畧無滯徵君拜爲左中郎將大都督中山王刺
史出圍僞義陽城拔凱旋君有協規之効功績隆盛
授龍驤將軍太府少卿臨青男忠勲之稱實顯於茲
永平初聖主以遼海戎夷宣化佇賢肅慎契丹必也
緩接於是除君持節營州刺史將軍如故君軒鑣始
邁聲猷以先麾蓋踐墮而溫膏均被於是殊俗知仁
荒岨識澤惠液達於逋遐德潤潭於邊服延昌四年
以君清政懷柔宣風自遠徵君爲征虜將軍太中大
夫方授美任而君嬰疾連歲遂以熙平二年十一月
廿一日卒於位縉紳痛惜姻舊咸酸依君績行蒙贈

續苑一六

十一

左將軍濟州刺史加謚曰貞禮也孤息伯茂銜哀在
疚摧號凶訴泣庭訓之崩沈淚松楊之以樹洞抽絕
其何言刊遺德於泉路其辭曰

縣哉遐胄帝炎之緒爰歷初祖惟尚父曰周曰漢
榮光繼武邁德傳輝儒賢代舉於穆獻考誕質含靈
秉仁岳峻動智淵明育善以和獎幹以貞響發邇丘
翼起槐庭慶鍾盛世皇澤遠融入參彝敘出佐邊戎
謀成轅幕績著軍功僞城颺偃蠢境懷風王恩流賞
作捍東荒惠沾海服愛洽遼鄉天情方渥蘭爵惟良
如何倉昊國寶淪光白楊晦以籠雲松區杳而煙遂
藐孤叫其崩窓親賓颺而垂淚仰層穹而摧號痛尊

靈之長祕，誌遺德兮何陳。篆幽石兮深墜，嗚呼哀哉。

王漁洋居易錄云：陳崇石為安平令，掘田隴間得祖父名爵列碑題之前。

魏故驩驤將軍營州刺史高使君懿侯碑銘

君諱貞，字羽真，勃海脩人也。其先蓋帝炎氏之苗，襲昔在黃唐，是為四嶽。爰逮伯夷，受命於虞舜。曰：典朕為太師，俾侯齊國。世世勿絕，表乎東海。其公族有高子者，即其氏焉。自茲已降，冠冕冕繼及，世濟其德。不實其名，祖左光祿大夫勃海敬公純嘏所鍾。式誕文昭，皇太后是為世宗。武皇帝之外祖考，安東將軍青州刺史。庄公有行，有礼，克荷克構，即文昭皇太后之

續苑十六

三

第二兄也。君稟岐嶷之姿，挺珪璋之質。清暈輝發於

載字弄，秀悟表乎齟齬。黃中通理之名，卓爾不羣之

目。固已殊異公族，見稱於匠者。至於孝以事親，則白

華不能比其潔；友于兄弟，則常棣無以方其盛。敬讓

著自閭閻，信義行於邦黨。若夫秉心塞淵，砥礪名教

伏膺文武，不肅而成。則綴軌於前脩，同頌規於先達

者矣。雖綺襦紉袴，英華於王許；龍馬流車，陸離於陰

鄧。而不以富貴驕人，必以謙虛業已。是故夷門識慕

蹇步，知歸我德如風；物應如響，弱冠以外戚令望除

祕書郎，俸麟閣而來儀。瞻石渠而式踐，於是縱容校

文之職，翻飛鷓鷯之間。容止此而可觀，清風茲焉已

穆既而重離載朗東朝始建杞梓備陳瑤金必剖僉
求其可帝曰尔諧遷太子洗馬夙夜惟夤媚茲儲后
仰敷四德之美式揚三善之功同禁聯坊亡有出其
右也於時六宮無主百姓未繫周爰大邦凶踰莘似
以君姊有神表淑問拜爲皇后君戚愈重口愈冲寵
日益權日損由是有少君退讓之風無長淵驕奢之
患故赫赫之望具瞻允集楨幹之期匪朝伊暮而不
幸短命春秋廿有六以延昌三年歲次甲午四月己
卯朔廿六日乙巳遘疾卒於京師二宮悲慟九族悼
傷同位駿奔遐迩必至天子廼詔有司曰故太子洗
馬高貞器業始茂方加榮級而秀穎未實奄彫夏彩

續苑十六

志

今宅兆有期宜蒙追陟可特贈驩驪將軍營州刺史
以旌威儀其墓丘所須悉仰本州營辦臨塋又特給
東園龍輜加謚曰懿凡我僚舊爰及邦人咸以君生
而玉質至美也幼若老成至慧也孝友因心至行也
富貴不驕至謙也君以此終亦以此始烏可廢而不
錄使來者無聞焉廼相與採石名山樹碑墓道其詞
曰

厥緒皇□□□□堯咨四岳周命呂望惟高惟國
世有龍光自茲作氏不實其芳於鑠光祿饗茲戩穀
赫赫矣安東純嘏斯屬或女或妹匪戚伊僕陟彼昭
陽光我邦族山川降祉餘慶不已敬公之孫庄公之

子如琇如瑩爲山伊始人知其進莫見其止古人有言膏粱難正於乎我君終和且令牧已謙謙與物無競孝友因心能久能敬爰始來儀濯纓麟沼翮羽儲局其容皎皎方搏九霄載飛載矯天道如何是人是天生榮死哀禮有加數曷用寵終英英旂輅其人雖往其風可慕

大代正光四年歲次癸卯

管黃鍾六月

魏故懷令李君墓誌銘

君諱超字景昇本字景宗後承始族叔在江左者懸同故避改云秦州隴西郡狄道縣都鄉華風里人

續苑十六

五

也雅著高節敦襲世風言行足師興作成准循情孝友因心名義安貧樂道息詭遇之襟介然峻特標確焉之撻弱冠舉司州秀才拜奉朝請除恒農郡冠軍府錄事參軍事宰沁水縣巨政崇治綽居尤最爲受罪者所誣誣字章憲臺誤聽被茲深劾除名爲民於是廿年中浮沈閭巷玉潔金志卓尔無悶到熙平二年甫更從宦補荊州前將軍騎兵參軍事復作懷令已受拜垂垂述職遭疾正光五年八月十八日卒于洛陽縣之永年里宅時年六十一孤貞華首訖於二邑門從無兩遠迹酸恨懷之百姓長慕喪氣雖陳留之哀望胡季叡不是過也越六年正月丙午朔十六日

辛酉

案此謂正光六年也其六月始改元孝昌則正目錄劉義叟長歷此年梁正丙午朔魏同決無可疑而優師金石遺文乃誤以為在卒後經年凡六於是王氏萃編遂列為永安二年不知彼年長歷魏正癸丑朔與碑所書絕不可通也又考司馬景和妻魏正癸

粵三年正月庚戌朔十二日辛酉以其朔求長歷則所謂粵三年者亦謂延昌三年與葬洛陽縣覆舟山

此碑書年之法正同又一確證也

之東南元壤難窮陵谷時異刻茲陰石照序光塵

決決顯族斂夢西垂代襲清則沓炳羽儀道妙之門

緒風屬斯惟祖惟考倜儻環竒昌謨迭駕高獲明規

杳量无隄元契不貲揔循異貫員應紛枝灼灼伊君

山立淵淳棲真宅正寢繩履程懿鑠為質醇素用情

均冶禮世氣重財輕亦既從招旁溢鴻聲隨牒出入

密勿力誠爰莅近邑先邁儀形絕交獨坐化動陰窳

尚德貽咎衆實叵蓋拂衽歸來鰲轅褊帶恂恂鄉閭

万殊一會優柔善成无小无大垂白再仕汎尔沿流

階倫稍降盛業愈邁遂作後城士女承依轡頓方

馳盡土悲愁尅節炯言引賞靡徵端恭妄砭家俗虛

鷹擢彼圯跡事罕篇繪長源未輸深囑乍卷蘊此逸

機空生徒返兹窵易削疇毒難遣楨擿踈踈泉隸房

寒遠孀孤内爛妹弟摧咷式鏤沈石託注幽篆

妻恒農楊氏父談為邾州主簿息女孟宜年卅六適

恒農王始僂郡中正息女媛姿適遼西常彪侍御史

息女仲妃適武威賈子謠涼州治中息道冲息女婉

續苑十六

去

三
華息女依顏息女四輝息道逸年十六息道栖年十

魏故假節督齊州諸軍事輔國將軍齊州刺史

高公墓誌銘

君諱湛字子澄勃海滌

字滌人

也靈根遠秀啓慶兆於

渭川芳德遐流宣大風於東海作範百王垂聲萬古

者矣故清公勢重鄭伯捐師元卿位尊管仲辭禮皆

所以讓哲推賢遠明風軌祖冀州刺史勃海公文照

昭武烈望擲中夏惠沾朝野愛結周行考待中尚書

令司徒公英風秀逸雋氣雲馳虬顧帝鄉威流宇縣

君稟慶緒於綿基挹餘瀾於海澳幼尚端凝長好文

續苑十六

十七

雅非道弗親唯德是與逍遙儒素之閒慕申穆之遺

風俳佻文史之際追牧

當作牧

馬之逸藻至於擘春灑

翰席

席字或釋作帶非

月抽琴邁昔哲以孤遊超時流而獨

遠熙平啓運起家爲司空叅軍事轉揚烈將軍羽林

監天平之始襄城阻命君文武兩兼忠義奮發還城

斬將蠻左同歸朝廷嘉其能縉紳服其義假驪驤將

軍行襄城郡事君著績旣崇賞勞未允尋除使持節

都督南荊州諸軍事鎮軍將軍南荊州刺史於時僞

賊陳慶率袂

旅字

攻圍孤城獨守載離寒暑終能剋保

邊隍全帖民境復除大都督行廣州事享年不永春

秋卅三元象元季正月廿四日終於家皇上動哀能

言灑淚。廼有詔曰：故持節都督南荊州諸軍事、假鎮軍將軍、揚烈將軍、員外羽林監、行南荊州諸軍事、南荊州刺史、當州大都督高子口。金石萃編云：此碑完善，其損者僅詔語中。臨難殉軀，奄從非命。言命遺績，有悼于懷。宜申追寵，式光往烈。可贈假節督齊州諸軍事、輔國將軍、齊州刺史、粵元象二年十月十七日遷葬於故鄉。司徒公之塋，千秋易往。萬古難留，故鐫石泉門，以彰永久。其詞曰：

丹虬降祉，姜水載清。大人應期，命世挺生。垂竿起譽，罷釣流聲。經綸宇宙，莫之與京。允司下蕃，公衡上宰。

續苑十六

六

既顯營丘，浪擲東海。四履流芳，五城降綵。繁柯茂葉，傳華無改。伊宗作輔，忠義是依。清盪昏霧，橫掃塵飛。日月再朗，六合更暈。暈玉帛斯集，福祿攸歸。仁壽無遠，積善空施。風酸夏草，霜結春池。崑山墜玉，桂樹摧枝。悲哉永慕，痛矣離長。當作長，離山左。金石志云：離長，倒書碑末，改正。

大齊鄉老舉孝義雋脩羅之碑

唯皇肇祚，大齊受命。引軒轅之高宗，紀屠虞之遐統。應孝義以改物，揚人風以布則。於是緝熙前緒，燠顯上世。雋敬字脩羅，鑽土葺安。食菜勃海，前漢帝臣。雋不疑公之遺孫，九世祖朗。遷官於魯，遂住洙源。幼傾乾蔭，唯母偏居。易色承顏，董生未必過其行。守信志

忠投杼豈能着其心捨田立寺願在菩提酸味養僧
纓絡匪悛吝字救濟飢寒傾囊等意少行忠孝長在仁

倫可欽可美莫復是過蓋聞詮賢舉德古今通尚
秀藝才錐囊自現余等鄉老壹百餘人目贖其事豈
容嘿焉敬刊石立樓以彰孝義非但樹名今世亦勸
後生義夫節婦詔令所行其辭曰

恭恭易色免受承顏孝同曾閔行比丁蘭待如握髮
接若吐瀉酸味救飢解褐濟寒披幽釋古奉敬如來
割已施造傾力捨財終終救之念其性可哀鑿石豈
朝千代美哉流芳萬古迹絕當今庶勸將來誰不肅
心忠孝之外任世浮沈絕筆刊功志畢松林朱陽再
續苑十六

音現相訖南金訪石鏤文永保余心懸宗頌轉放筆留

皇建元年歲次庚辰十二月戊寅朔廿日丁酉訖功

碑以乾隆乙卯年九月得于泗水縣東五十里韓家澗天明寺側

朱岱林墓誌

北齊朱敬脩

君諱岱林字君山樂陵濕沃人也自辛朝喪國昌口
銜書親以建社賢亦啓國扶封於邾公加茅土方曹
析壤媿魯稱雄別有由謚立姓因字爲氏斯卽去邑
從朱蓋是殊方共致卯金則司空佐命當塗卽領軍
贊業整在晉嗣美表於趙垂名所謂杞梓繼生公侯
閒起哲人世挺衣冠代襲曾祖霸儒該上素術盡從

橫魏使持節平州諸軍事安遠將軍平州刺史俗隣
壇場布以威恩醇酒空陳夜余不受於後謗言及樂
讒巧亂鄒儵尔鷹揚翻然鵠起擁鄉里三千餘戶來
逝河南值元嘉之末朝多喪亂不獲其賞仍居青州
之樂陵郡祖法㊟下帷耽藝閒靜自得舉秀才釋褐
南平王府行參軍遷尚書祠部郎中禮閣有聲含香
擅美後遷司徒府諮議參軍事亡贈鴻臚卿父孝祖
清規勝範地美才高俄而魏高祖孝文皇帝能罷竟
騁蒼兕爭先化洽江湘令行天下錄奇異於巖藪訪
隱逸於閭閻起家除樂陽縣令轉北海太守流涕孟
侯歌謠稚子從今勤古並駕分駢君膺茲秀氣稟是

續苑十六

三

淳和三

案山左金石志誤作王今依拓本改

棘六里方珠比玉左智右

賢擬龍齊鳳得嗟蔡子見重侯相聿始十餘身離艱
苦晨號夕踴柴毀骨立遂使鳩來栖集馬倭芻草精
通飛走捺貫幽明魏廣陵王愛善如蒼好書比德俾
侯南服妙選英佐託以金蘭徵爲國常侍辭不獲已
俛僂從職而侯羸荷盼難交公子介推逃賞終遠晉
牧東秦召爲主簿久而從命王藉甚有素不苦抑遣
終遂千木之心乃申安道之志君雅量之地無際可
尋元昆季弟推之京宦同於得喪等槩榮枯含章韜
綵藏明晦用兄元旭散騎常侍出除南兗州刺史弟

叔業通直散騎常侍左光祿大夫高冠映日長戟陵
風譽滿京華聲馳富縣縱趙孝之讓禮食曾何足云
魯恭之就不名詎堪方此魏廷慰卿崔光韶侍中賈
思伯並聰敏當世器局樹時結四子七賢之交飲醪
投水之密留連宴熹付寫矜期黃門郎徐紘與君意
得言忘處權居要恒思不次之舉還疑志不可奪聽
言之暇聊申微旨君荅云昔人有以術忤帝或道質
■王譬之鱗羽本乖飛伏而平生庸短末希簪紱如
斯之貶乞不加以紘愛人以禮兼相欽尚從其所好
不敢繫維普泰之季水德不競蒼雲蓋野紫日生天
鳥合蟻徒聚三齊之地豎牙鳴角凜十二之險不異

續苑十六

三

井中虛言聖出何殊轍■妄号神人拔本塞源摧蘭
天桂春秋五十有四遐迩悲噎聞見涕零惟君大度
不羣峻■孤上託宿假道唯仁與義規矩成則物我
兼忘非夷非惠不石不玉惻隱同於子魚友悌侔於
伯雅何忽儋案山左金石志缺此字今依拓本補山石折智士遽傾以
大齊武平二年歲次辛卯二月乙卯朔六日甲申葬
於百尺里東五里第四子敬脩自惟羅此荼毒眇然
咳幼離奇以生龍鍾而立窮而匡子温慙閔騫岵山
難陟過庭無訓攜鋤而感言下集冠之禽攀松弗昭
靈降成墳之鳥空追土季瞻像載興傷慟日殫觀狀
益增酸哽磬茲鄙拙式序徽猷思與泣俱文兼涕落

先言多不備述。往行盡是闕如。良由才非作者。情隈蕪次。從父兄敬範。史君伯第三子。脫畧榮華。不應徵聘。沉深好古。尤工摛屬。勒銘黃壤。以播清風。辭曰。

本自高門。世資陰德。從來位重。人兼才識。運海鱗奇。搏搖翅力。繁枝不已。清瀾焉息。其唯祖英毅。唯父深沈。飛纓鳴玉。作龍垂音。仍生東箭。遂挺南金。素榮俱美。出處分心。其有應純和。望餘耀。嵇風阮德。梁遊大鈞。揔于君子。藝才何劭。闕里儒英。瀨鄉元妙其道。

王天崖志。輕人爵。菊藜危坐。表採蘘。楚漢兒戲。仁雄寥廓。我如曾閔。何論許郭。其虛言輔善。實驗無親。石作既落。儋山亦淪。少微之應。遂屬高人。悲王難序。

續苑十六

三

痛霍何陳。其五仁厚慶鍾育斯才彥。歷階武目。過庭鯉

盼。似鳳方鳴。如龍比綯。遺孤在笈。藜焉誰見。其誰見

伊何。慈顏弗覩。朝不食。隣人罷祖。比學西河。擬文

東魯。迷彪者固。情深陟其七魚山本志。門豹遺風。丹

青已寫。元空方崇思人下淚。瞻蒼悲空。山川不易。規

猷詎終。其八嗟嗟猶子。瞻儀在昔。荷恩惟訓。依希如覿

頌雅因詩。元文託易追思素道。敬鐫元石。

北周王通墓誌銘

公諱通。其先太原人也。粵乃仙嶽。含靈毓禎。圖而錫爵。誓淮分淑。應寶錄以開宗。是以三公列而更榮。五侯封而載錫。自茲厥後。英髦不墜。祖明濟郡中喉舌。

識度冲敏志業詳確父增隨州主簿鑒履清致器量
貞邃公養志中和資靈上德趨庭學禮立身之道自
步月開襟讓客之風已遠中爲令德遊藝依仁賞
逸閒居不希榮祿旣而門巢結讐百年之運已催楹
夢起祥九泉之路俄涉春秋六十有三邁疾終於私
第嫡子脩文脩禮衰絰露節痛結寒泉粵以大周天
和二年冬十月迄於東城縣東五十里崇德鄉平原
禮也東漸巨壑波濤混漾西望層山烟霞出沒頌德
音而不朽感生靈之倏忽其詞曰

惟鎬建官惟唐命職允文允武克岐克嶷開國承家
禮儀不忒皇天無親誕生哲人掘衣問道好古日新

續苑十六

三

如何不淑奄喪斯文前臨叢薄後眺荒丘風搏素蓋
日慘丹旒庶銘明德永播芳猷

衝圯得此碑

康熙九年秋河間縣東城鎮大水有古墓

大隋車騎祕書郎張君之銘

君諱景畧燕州上谷人漢司徒華之後也帝皇布護
將相蟬聯備諸圖史其可伊述祖驃騎大將軍第一
領民酋長文城公又遷燕州諸軍事燕州刺史考龍
驤將軍諫議大夫奉車都尉行濟安郡太守金鄉侯
君質如披錦文彩煥然器若珪璋光輝朗潤於是弱
齡表異聲振朝野欲止不能遂被徵辟起家爲魏帝
內侍左右尋遷祕書郎優游鳳沼去來麟閣時稱獨

步寔曰無雙，又加車騎大將軍。開皇十一年正月六日，冥不蠲德，奄從運往。春秋六十有八，以其月二十六日，遷窆於相州安陽河北白素曲。未極丞相之年，俄掩將軍之墓，嗚呼哀哉！乃爲銘曰：

昔年慷慨，拖紫垂青。崐山漢水，玉潤珠明。何啻大運，混我賢貞。一辭身世，百代千齡。

玉泉寺智禪師碑

隋 皇甫昆

蓋聞乾元資始，三辰著象於天。坤道資生，萬物動行於地。皇王于是建國，賢聖所以垂文。起名教而莫同，制威儀而有別。至於畫卦觀爻，蓋取隨時之象。綜經織緯，口通爲政之辭。大禮同和，大樂同節。安上治民，

續苑十六

孟

移風易俗，斯乃生前之事。畧矣可言，死後之間。仲尼弗語，縱使絳雪縈空。霜拂樹，餌金丹而九轉。吞玉髓而千年，乘雲也駕五色之龍。遊漢馬控三山之素，鶴逍遙瑤臺之上。容與珠闕之間，未窺解脫之門。終趣蓋纏之境，唯正覺淵沖。眞如妙有，不生不滅。無相無言，隨緣應質。則口口成形，隨類觀音。則因聲亦說。故有白銀千尺之口，口金丈六之身。八部般若之文，四種悉檀之義。神通自在，慧力無窮。因導化行，開示悟入。皈依者盡發菩提，迴向焉普登常樂。是以獼猴建塔，遂生切利之天。野鴈銜華，復性彌陀之國。豈直日藏沙門，孤遊正道。月光童子，獨見如來。四生因

茲度脫六道藉此超蘇實火宅之高車昏河之大筏
若乃周室昭王之世影奪恒星漢朝明帝之時光夢
如日使旋西域化漸東都宣像南宮申心北面自摩
騰入洛羅什遊秦名教更⑤道風斯熾經臺像閣寶
塏香山麗溢巖阿綺盈都邑豈期後魏眞君之歲後
周建德之年靈廟一除伽藍再滅形容廢毀文字散
遺響落瓊鐘聲沈寶鐸修禪者舊卷其舌而不談護
戒先賢改其形而晦影世絕調心之路時虧汲引之
途無出世之津梁失生民之大望我隋皇帝乘乾御
宇握鏡披圖友愛蒼生君臨赤子天地同其大德日
月合其重光鼓之以雷霆運之以風雨除暴亂致太

續苑十六

五

平張四維朝萬國功成作樂治定制禮正道無爲區
寰有截闢泥洹之路開般若之門宣十二分之經流
四千年之法精勤者舊捨俗歸僧淨住初童持心秉
戒非直法輪再轉法鼓還鳴四海於是無虞兆民因
而有賴委羽乘毛之國慕風化以來庭靈禽嘉貺之
祥應圖書而萃苑巍巍也非境智之思量蕩蕩乎豈
言談而能盡玉泉寺者基此山焉智顛禪師之卜居
也救旨正名著額其山崑嶸峩嶩崎嶇崩疑峯疑偃
蓋巒似覆船巨石窮竒之象洪崖譎詭之形岡曲抱
而成垣水縈洄而結乳口口口口口口鸚啼碧樹之
閒日月爲之蔽虧霄液由之散聚前瞻江路卻望荆

岑左帶昭丘右通巴峽禪師本姓陳氏潁川人也少稟生知童真剃落從師南嶽蘊道天臺睿智洪才之響非直播於江南知機妙辨之聲固已聞於河朔皇帝子太尉公晉王性稟孝慈情包惻隱能臣能子匡國匡家蘊神機之智垂汎愛之心布君子之心偃生民之草往以僞陳納版受律行師策妙指縱威稜江海遂剋定金陵化平銅柱三吳霧卷百粵塵清師乃因王利涉王遂因師受戒師至此而投院王奏聞而起寺於是異域才情之客慕其道而雲臻他鄉鍊行之僧味其風而雨集師精研道理盡意談元語證禪支心開定本幽宗博義若挹海而無窮辨句清辭

續苑十六

三

似懸河而自瀉居朋之友雖盈量以爭販處少之徒從窮崖而莫反爾乃信心檀越積善通人咸施一材俱投一瓦憑茲衆力事若神功營之不日而成飾以經時而就層臺迴閣複殿連房寒暑異形陰陽殊制雕簷繡拱與危岫而爭高巖礎鐫基共盤巖而等固風光出其戶牖雲霧生其棟梁華炫耀於金盤氣芬芳於玉樹工圖相好湛若金僊匠寫真容凝如滿月殿起三層之柱簷懸自響之鐘堂開千葉之華蓮捧飛來之座燈光不滅灌海逾明刹柱俱低承幡自舉吉祥柔滑之草爛熳依庭送風和氣之香氤氳滿院斜通洞穴直柱凝泉色似琉璃味同甘露波投鼉鼎

浪瀉陞堂飲腹消疴洗軀愈疾石柱銅梁之狀影如蓮池桃源菊浦之華香浮柰苑可謂山類耆閣寺同離越似龍宮而出見疑鹿野以飛來竊以前王鑿鼎惟論體國之功今共刊碑永記菩提之道余任宰屬城寺居所部文雖寫意書不盡言其詞曰

二儀開廓四氣氤氳方以類聚物以羣分通賢通聖明后明君隨機設教觀化垂文樂章既造禮儀方制定此親疏流茲疑滯披圖辨物屬辭明例唯化一生不論三世元都玉簡紫闕銀經解尸遺骨飲液吞精乘龍萬紀控鶴千齡終非實相猶是塵情唯有大雄湛然常住不生不滅無來無去千門妙音一音演諭

續苑十六

三

度脫衆生涅槃雙樹夢通劉后感應姬王恒星掩耀滿月澄光寫形東國指聖西方慈悲願海善逝津梁法顯還晉摩騰入洛花散經臺香流像閣釋教鬱起桑門盛作露泣珠幡風吟寶鐸眞君建德運鍾滅道淪没四生毀除三寶我皇啓聖德侔蒼昊妙法更元眞儀再造陳氏僭號王赫斯征勾吳霧捲閩越廓清因逢智者延謁山庭珠生浮漢玉出口荆華峯崑崙石洞淵懸芬芳菊浦滴瀝瓊泉盤渦似谷覆嶺疑船來儀晏坐觸地蕭然妙辨悉檀深窮般若緇素雲會挹其河瀉或施之材或投之瓦經始不日翻成大廈更起龍宮還閣鹿野山連紫葢江抱黃牛西臨月峽

東接昭丘春牕夏牖水殿山樓旃檀圍繞琳碧還周
塵吐芙蓉龕懸石鏡白毫相好紺髮輝映銀鷲徘徊
錦鱗游泳騰猴心靜怖鶚影定猗歟哲王命也蕃屏
自天生德孝誠俱秉且爽非儔閒平詎并出總連轡
入調鐘鼎構此伽藍實資力請魔殿噉噬須彌鬱律
倏覩劫終俄看燒訖豈如彼岸生死皆出金石不朽
天地可畢鐫勒巖阿永垂懋實

續苑十六

天

續古文苑卷第十七

賜進士及第授通奉大夫山東通省督糧道加三級孫星衍撰

碑志三

大唐左屯衛將軍姜行本勒石紀功碑

昔凶奴不滅寶將軍勒燕山之功聞越未清馬伏波樹銅柱之迹然則振英風於絕域申壯節於異方莫不騰茂實於千秋播芳猷於万古者乎大唐德合二儀道高五帝握金鏡以朝萬國調玉燭以馭兆民濟濟衣冠煌煌禮樂車書順軌扶桑之表俱同仁化所占濛汜之鄉咸暨苑天山而池瀾海內北戶以靜幽都莫不解辮髮於藁街改左衽於夷俗高昌國者乃

續苑十七

一

是兩漢屯田之壁遺兵之所居麴文泰卽其苗裔也往因晉室多難羣雄竟馳中原之主邊隅遂隔閉屆戎狄竊号稱王厯至今靡聲教自皇威遠被稽顙來庭雖沐仁風情懷首鼠杜遠方之職貢阻重譯之往來肆豺狼之心起蜂蠆之黎庶賊殺無已聖上愍彼蒼生申茲弔伐乃詔使持節光祿大夫吏部尚書上柱國陳國公侯君集交河道行軍大總管副總管左屯衛大將軍上柱國永安郡開國公薛萬均副總管左屯衛將軍上柱國通川縣開國男姜行本等爰整三軍龔行天罰但妖氛未殄將軍逞七縱之威百雉作固英奇申九攻之畧以通川公深謀

開出妙思縱橫命前軍營造攻具乃統沙州刺史
上柱國望都縣開國侯劉德敏右監門中郎將上柱
國淮安縣開國公衡智錫右屯衛中郎將上柱國富
陽縣開國伯屈昉左武侯郎將李海岸前開州刺史
時德衡右監門府長王進威等並率梟雄鼓行而進
以貞觀十四年五月十日師次伊吾時羅漫山北登
黑紺所未盈旬月克成奇功伐木則山林殫盡叱咤
則川谷蕩薄衝梯蹙百冰釋機檜一發千石雲
飛墨翟之拒無施公輸之妙詎比大總管運籌幃幄
繼以中軍鐵騎亘原野金鼓動天地高旗弊日長戟
彗雲自秦漢出師未有如斯之盛也班定遠之通西

續苑十七

二

域故迹罕存鄭都護之滅車師空聞前史雄圖世著
彼獨何人乃勒石紀功傳諸不朽其詞曰

於赫大唐受天明命化齊得一功無與競荒服猶阻
夷居不定乃拜將軍殄茲梟鏡其六奇思羣雄逞

力陣開龍騰營麗星光旗明日色揚旌塞

表振威西極其峨峨峻嶺眇眇平原塞雲暝結胡風

晝昏高樹銘功讚德

貞觀十四年歲次庚子六月丁卯朔廿五日辛卯立

瓜州司法參軍河內司馬

碧落觀碑

唐李訓

有唐五十三祀龍集敦牂哀子李訓誼讓謹銜恤在

疾寘懷靡所永言復

鄭釋

德思樹良因敬立大道天

尊及

鄭釋

侍眞像粵若稽古藐觀遂初眞宰貞乎得

一混成表於冲用元之又元蹟超言象之域惟恍惟

惚理冥視聽之端是以峒山順風勞乎靡索汾陽馭

御

辯窅然自喪曠矣哉道之韞也其寄於寥廓之

場焉至於玉笈宣徽琅函吐祕方壺神闕蒙穀靈遊

倏忽九陔導飛廉而從敦圉俯仰六合戴列星而乘

雲氣固亦昭章逸軌胥嚮孤風道化其瞭幽契無爽

伏以先妃含貞載德克懋瓊潛研堂跋儀延慶台華

正位藩閫動容資於典禮發言光乎箴訓故紘縆是

肅粦盛無違大當叶曜中閨以睦况倚閭分甘之澤

續苑十七

三

徙居側昉之規義越人倫恩深振古重以凝神道域

抗志澄源淮館儀僊操山參鴻寶之靈術楚壇敷教

暢微言之盛範儒元兼洞眞俗兩該德冠母儀事高

嬪則豈圖昊天不惠積善無徵咎罰奄鍾荼蓼俄集

訓等痛纏過隙感切風枝泣血攀號自祈鄭釋眞殞

祇奉嚴訓慈勉備隆偷存視息遄移氣序建几筵

寂寞瞻望長違創巨徒深寄哀何地所以貪及鄭釋

餘漏祈福元宗敬寫眞容庶幾終古而土木非可久

之致鎔鑄爲誨盜之先肅奉冲規圖輝貞質睟容俶

彩若琳房之可觀霓裳交映翠鄭釋駕其留帝晨飾

伊穆元儀有煒金眞摛耀疑金闕之易奔琳華揚

翠雲之宅

美鄭釋

香童散朱陵之馥載彫爰敷式展

祈以此勝因上資神理伏願栖真碧落飛步黃庭謁

羣帝於天關攜列仙於雲路融心懸解宅美希夷但

鄭釋

儀鄰以同

洞鄭釋

奐指乾坤而齊極介茲多祉藩

度惟隆如山作固永播熊章之祿

鄭釋

昌言

尾釋作叫

嗥循陔自勗冀

申烏鳥之志孔明在鑒匪曰道遐

鄭釋

無拔昔人銜哀罔極鉛槧騰聲柔疑

釋

闔庶其

清輝懋範宛若前蹤瞻言景行敢忘刊紀餘魂弱喘

情不逮文謹託真猷直書心事音儀日遠風烈空傳

鄭釋

心感慕終天何及

規此碑有感通十一年鄭承

復為訂正數字

續苑十七

唐宋州司法田君墓誌銘

四

君諱宏敏其先北平人也自虞承帝錄派媯汭之神

宗陳恒制齊遂開國而為姓若乃錫土隆家之美贊

玉帛於緡圖陳規獻策之謀著英猷於寶牒祖由玉

山齊暎瓊萼流芳器纍珪璋質懷杞梓韞劉龍之英

美躍管驥之高衢彩匣韜輝金章絕韻詞林振穎筆

海浮瀾秀氣烟高靈規聳見貞風槩俗勁節澄襟被

揚歷而見徵應翹車而入聘隨章武郡功曹父恭藍

田孕質驪穴騰輝志岸冲清器該博物雄材雋狀亘

孔仞以逾高雅度汪深湛黃陂而彌浚名馳刈楚德

洽重筵隨高陽縣尉君英靈迴秀壯志遐

韞雄

圖蘭風特振貞明絕俗雅道淹通藻駕雕龍聲充振
鷺清辭雄辨陵臯子之卿膺逸氣高談鄙蘇張之緩
頰洞該物務統六隧於周邦備曉公方館四人於鄉
邑旣而奠楹遺孽蔓豎延凶寢疾彌留俄傾薤露以
承續元續年九月十二日歿於私第春秋六十有四豈
謂艱谿掩耀悲隙影之無留積玉沉輝泣清川之永
謝以口口元年正月二十二日遷窆於任丘縣西南
五里本鄉禮也其地東連博陵西叩金堤膏腴控其
前平林亘其後嗣子務仙嗣孫神傑神冲承族等搜
蓼莪之巨痛陟霧帖而長號扳罔極之哀荒抱霜荼
而永泣恐以炎飛岱嶺庶梓域之長存岸谷遠遷冀
松區之尚在其詞曰

續苑十七

五

承芳軒胄分裳陳成建邦啓土代襲英聲降生明哲
雋乂馳名高軌運流景命乃傾誅生前之茂績刻嘉
號於泉扃

大唐懷州河內縣木澗魏夫人祠碑銘

并序

唐路敬道

蓋聞元圃青宮仙客於焉來往丹丘紫府羽人之所
棲集徵祕籙於淮王時逢八老採神奇於魏帝取覲
雙童子喬控翮翱翔赤霄之上琴高擾鱗游泳淥波
之下斯並心符寂蕞神契窈窕匪塵俗之能羈簪纓
之所屈者矣茲有鮫容雅質貞規淑態韞真氣於閨

房挺仙才於閩閩。嫦娥採藥，奔月朏以含精。靈媛投壺，睡電光而吐耀。漢皋游女，持珠對南國之賓。洛浦神妃，鳴玉俟東藩之后。莫不名芬紫翠，道標黃白。列眞非一，往往致焉。魏夫人者，卽是晉劇陽侯任城魏陽元之女也。本傳曰：夫人年二十四，適南劉幼彥。幼彥爲修武令，善爲德政，仁風惠著。時夫人隨在修武之館焉。雖魏同舍縣內，常齋于別寢。季冬之月，夜半聞空中有鍾鼓箏簫之聲，羽旂光耀，降夫人之靜室。輦輦被服，非人所聞。見有四眞人告夫人曰：大帝勅我來教子以神眞之道。注子於玉札，應爲紫虛元君。上眞司命，名山之號。封南岳夫人，後爲洛陽山成眞。

續苑十七

六

人因爲立祠。土俗號阿夫神。原夫鎬京疏社，公高克勤於小物，參墟命族，畢萬連休於大名，丞相之匡翌漢庭，比蹤蕭邨。司空之郝諧晉室，方譽裴山。積德攸鍾，餘慶斯在。況復彤雲授彩，衍豐谷之靈苗。白水開源，導春陵之茂族。乘龍合好，鳴鳳于飛。結大義於絲蘿，諧佳音於琴瑟。劉氏絃歌作吏，同墨臨人。惟彼外持，爰資內輔。服勤纂組，良毗製錦之工。肅事蘋蘩，且佐烹鮮之術。猶以爲六法四行，豈離夢幻之場。九轉三仙，方出塵勞之境。朱庭翠閣，事甚樊籠。元鬢紅顏，理同泡沫。於是撥煩疏躓，練志凝魂。潔成道室之階，列竟師門之宇。悠悠永夕，紫煙昇而庭院虛。凜凜窮

陰元霜冽而池館靜，乃有仙鍾簇韻，如發漢鯨法鼓，揚音似棲吳鶴，簫聲寥亮，仍苻弄玉之臺，笳奏淒清，有異文姬之殿，綠軺朱節，眞衛相趨，霞佩雲裙，仙儀在列，昔安公之治叶，眞契於昇龍木羽之鄉，應祥期於御馬眷茲元，感異代同苻，故能迴鶩三清，高超八會，持法印而含元氣，合眞符而昇太極，金記五千，職隸九元之史，玉言十萬名彰，八素之書，足使上元夫人，慙其嘉号元，妙玉女媧其芳聲，豈與夫障日，至山薦枕蓆而通，窳順風江澳，懷環珮而申贈，復有躍魚酬惠，愛鳥遺灾，清溪白岸之姑，阮氏絃生之儷，若斯而已矣。夫以王母旣集，西漢列其霄筵，帝子斯臻，北

續苑十七

七

渚歌其夕漲，是用恢勝宇，創祠壇，想希夷，其若存，庶恍忽其無昧，建立之始，年代莫詳，爾其周晉名區，覃懷奧壤，蘇子攢茅之域，寇君剖竹之郊，孟津南注，控河流於馬頰，太行北指，啓山路於羊腸，川原相屬，風煙交會，鬱彼仙觀，揭焉中立，綵之以丹青，陳之以藻繪，效靈妃之啓齒，圖殷女之練色，行亭三襲，俯瞰川湄，茅攔四注，却連山阜，巨石崔嵬，像蓮峯而特秀，奔泉澗洒，瀉松澗以飛湍，微靄觸而流津，清飈激而成韻，瓊桃仙棗，散綠垂紅，珠實金條，含細佩紫，八林芳桂，凌冬霰以揚葩，五株仙杏，負春晞而布葉，莫不夾戶蘿生，垂簷接蔭，可以返魂，駐寄，忘憂愈疾，至若吉

日良辰高人勝士黃紵紫綬忘貴賤而同歸白屋朱
門混榮枯而畢萃敬而不黷誠稟訓於懷柔感而遂
通諒虔心於正直於是採蔬東海折菓西山傾玉酒
而泛流霞酌金漿而挹甘露神交妙有想白鳳之來
儀道契虛無佇黃雀之爲使丹梯可躡必超上漢之
■練馭斯■越無生之浪誠洞眞之苑囿靈寶之
區域者焉秋官尚書檢校懷州刺史南陽鄧府君道
光天爵慶發地靈蹠泰階而高視寔攬天而騁力題
劒昇朝秉形之寄攸重佩金增秩仰福之任逾隆長
史隴西李知人司馬南陽鄧楷河內縣令鉅鹿耿仁
惠或展驥亨衢化康邦國或割鷄遊刃功茂邑民思

續苑十七

八

靜力於迴天猷勞生於寂地識明元扎跡寄道樞半
刺毗藩則晨趨飛其鶴嶺一同作宰則元會降其鳧
鳥每慮陽軼再旬具虔馨於斯谷陰衢潔朔薦行潦
於茲巒縣令仁惠稟氣孝恭祭則神饗天然感物祈
必靈歆所請甘霖未迴車而降澤但求膏液迎舉意
以零滋彌媿神之厚恩故勒銘而旌德而碧落清窗
顯在百城之次椒庭桂門近臨千室之中瞻石梁而
靡閣仰瑤臺而何遠夫降仙成宅西岳紀桓譚之賦
尋眞起詠南溪聞郭璞之詩是以輕牽下民仰追前
列寄諸貞題其頌云

畢筮初占係復其始竄門有相甥膺廟美珠胎孕寶

玉仙昭祉寔唯靈媛作嬪君子取譬鸞鳳言邊魴鯉
早明八素夙悟三元呪神爭術滄蓬募仙紫書題記
白簡開編暫遊芝圃倏見華田輕飛起月高訓垂煙
戒遵靈壇載規神宇却倚巖壁前臨澗浦偃蹇雲棟
清泠風戶怪石竒木鳴蟲嘯羽居茲地聖坐同天柱
瀆妃去魏弄女辭秦陽臺之下暮雨稱神洛川之側
朝霞韞眞窈窕高蹈寥廓上賓思道業用述微塵
大唐垂拱四年正月五日建宏文館學士路敬繪製
勝果院僧從謙書

大唐故朝議郎行澤王府主簿上柱國梁府君
并夫人唐氏墓誌銘

并序

唐梁朱賓

續苑十七

九

君諱寺字師暎雍州藍田人也丕承帝緒自雍墟而
逮夏陽克勤王家由安定而宅京兆其如葛氏昆季
列於三方有類林家昭穆光乎十德至若衣冠禮樂
之盛烈廉孝賢良之儀表固以烏奔當代昭彰季葉
者乎曾祖遵周秦州清水縣令遠賒相用勞逸兼資
重泉之磬載昌單父之琴斯洽祖殊隋監門錄事叅
軍德以潤身學以從政八屯由其式序五校於是克
隆父柱皇朝奉義郎騎都尉識量夷雅風神耿介青
田表秀丹穴摛祥進而不榮安乎散列退而不野鄰
乎湫隘君承積善之餘社挺生人之上姿因心而好
孔墨抗跡而齊曾閔縱王佐之竒表揚于王庭屈公

輔之宏量薄遊公府咸亨四年授文林郎班例也日
者東風爽候西旅不庭三軍乏坐甲之資七萃興懸
磬之歎君散陶凝慮指困推誠躬親餽餼之勞式周
儲時之務恕己及物下布人謠憂國忘家上紆帝念
永隆二年恩詔授上柱國道光西漢已極武功之尊
名冠南荆竟保昭陽之貴既而上僊興慕下代纏哀
梁山降白鶴之祥畢陌啓青烏之兆君悲深考逝義
切子來茂績顯於園塋豐功徹乎旒展垂拱元年授
朝議郎行澤王府主簿以枚馬之英規偶閒平之上
邠英風扇乎蘭坂茂躅隆乎桂山東閣由是希聲西
園以之藉甚豈期攝生謬理與善失常西山何高未

續苑十七

十

接仙童之羽南溟尚遠翻墜化鵬之翼以垂拱四年
十月五日終於長安懷德里第春秋卅有一夫人晉
昌唐氏名惠兒後魏驍騎將軍本郡守契之七葉孫
卽故司農寺長樂監敏之第二女也巫山降祉異位
摘精挺琬珍以成姿懷冰霰以清慮纂組織紉之務
早擅女工幽閑婉孌之規夙彰婦德恭謙娣姒宗族
所以推先肅事舅姑閨門由其作訓將以鴛駢並鶩
常接影於仙樓不意龍劍雙沉竟連形於寶匣以垂
拱四年九月廿七日終於長壽里第春秋卅有六粵
以其年十一月十七日合葬于終南山榭梓谷口隋
信行禪師林側倍大父錄事叅軍之舊塋由夙志也

惟君器周大雅德備中和敏殫衆藝好兼靈迹牟子
博之異錄動息會其情虞孝敬之奇記俯仰該其術
黃金積金鎮寫真容白玉成田併開精舍夫人亦凝
心貝葉屬思曇花幼彰龍女之功長契勝鬘之德婉
茲嘉偶咸借慶於一乘倬彼好仇並歸神於八正其
子景先等以爲形資業起業立則形存化以綠生緣
亡則化息履霜增感豈若奉於遺音聞雷警慕固可
說於眞侶式崇寶構虔考勝因寄篆刻於幽埏庶飛
芳於奪里其詞曰

霸秦支子始國于梁帝堯景胃必復其唐易代載德
繼軌傳芳雅符秦晉信叶潘楊其於惟君子夙承家

續苑十七

十一

慶顯允夫人早標門令笙簧其德黼藻其性問望備
隆容工兼盛其身由業立果乃因成共資有相並證
無生八正凝想七覺馳情德踰善德名益淨名其積
善方融輔仁無准始驚炭折俄看薪盡悲哉則豹騎
連翔痛矣則螭軒接軫門庭兮簫索墟落兮凄緊其
哀哀鞠子感感遺孤共詳勝地式奉先墓構曾臺於
翠阜刻貞石於黃壚山山兮塔往往兮眞徒其

四品孫義陽朱賓撰文五品孫榮陽鄭莊書

大唐故右虞候副率檢校左領軍衛將軍上柱

國乙速孤府君碑銘并序唐苗神客

大地之大德曰生聖人之大寶曰位生不可以無宰

侯有道以存之位不可以無寄。侯有德以尊之。故荆極剖天張維闢萬大君有作俯而乘雲多士聿興仰登山而捧日可久可大闡洪業於非常立德立功垂大名於不朽存而爲一時之傑歿而爲百代之英爰有異人今可得而聞矣公諱神慶字昭祐其先王氏太原人也昔房以天戈耀象六英聞鳳舞之祥后弃以星袂興農萬里厝鸞歌之域帝圖克峻王道攸歸周德方隆翦商以光其業齊功可遂敗狄而有其勲官族著乎天下統緒傾乎海內五代祖顯後魏拜驃騎大將軍偉德挺生稟嵩岱之精魄洪川派別洩江海之波瀾倚拔千仞盤紆九野遂賜姓爲乙

續苑十七

十一

速孤氏始爲京兆醴泉人焉有命承家代功居寵然後以周讖委輅奉春異鍾鼎之門漢殿乘軒田秋匪珪璋之操言其榮闕故無得而傳之曾祖貴齊右衛大將軍儀同三司使持節都督岐州諸軍事岐州刺史周上開府儀同三司肯附大夫隨河州諸軍事河州刺史河州摠管太子右庶子和仁郡開國公祖安齊前鋒都督周右武侯右六府驃騎將軍開府儀同三司使持節荏州諸軍事荏州刺史隨益州都督襲封和仁郡開國公拜前拜後惟昭惟穆咸以忠貞之操並資文武之才終始一心雖百君而每合出入三代居八命而逾隆父晟皇朝上開府右武侯右廿府

左車騎將軍轉驃騎將軍。令緒逾崇，高門克大。岳靈
鳳德，紹賢哲以相趨。河目龜文，識公侯而繼出。公山
資海，授星傑雷英，跨俗騰彩，驚時駭瞩。雖仲連飛兔
追日，電以長鳴，而諸葛臥龍，倏風雲而戢景。俄屬龍
鼉架海，猿鶴凌江。黃神吟而寓縣，分素靈歎而區域。
震高祖神堯，皇帝開天，躡步翼日，騰精偃橫。流於九
海，蕩洪氛於八極。雲雷憤薄，興於晉水之涓。天地氤
蘊，闢於渭川之浹。于時邑居幅裂，豪俊棊分。鵠起逢
時之心，寰中旣擾。烏止于誰之室，寓內攸瞻。公乃蓄
悟井之深幾，載驅驪臯。知躍泉之秘蹟，言訪龍田。獄
訟歸禹，不忘於寤寐。歌舞迎周，獨斷於襟抱。以義

續苑十七

十三

之始，乃奉見於涇陽。初蒙恩命，預參秦府。從平京邑，
授通議大夫，賜物六十段。戎章克峻，雖築勲而旣重。
國圖伊始，以門胄而方榮。乃取祖萇州府君之資，任
右親衛。于時雖地開金築，翦鶉甸而斯安。而池阻玉
華，亂雞津而未靜。公於是奉陪八校，薄伐三川。從討
王充，破青城堡，賜物一百段。并袍衫牛等，加勲大將
軍。武德元年，又征薛舉。二年，復破武周。神兵四舉，每
推亡於後服。英圖百勝，必賈勇於先登。時宋金剛尚
憑地險，更勞天伐。公乃因機有捷，燭雲火之高輝。應
變無方，刊風灰之遠陣。平寇之後，蒙賜馬及金鞞綵
物百段。王充以巨猾窺豐，假位號於成周。建德以大

盜因時竊仁義於全趙恃連雞之援以阻危邦託刑馬之盟方爲與國太宗乃韜龍豹旅貔貅黃鉞排天朱旗斷霧沸洛川而憤角震嵩巖而疊鼓王充以迭食爲命不移蚩魘之心建德以弱甲相依無舛螳螂之衛公乃懷竒請奮受命長駢破王充千金堡并從擒建德預軒勝於元苻奉堯績於丹浦燕趙俄獲蚌爲脯而無遺虞虢終亡馬服輿而不失加勲柱國賜物二百段劉黑闥擁銅馬之餘孽氣蘊圖南阻金鳳之長川英雄趙北公乃從平清漳洛水二■囚遂俘之授上柱國賜■并■馬等絲物一百五十段粵以超時之効恒當不次之恩滿寵受田殊非異賞

續苑十七

十四

李忠錫馬遂多慙色尋又從破除員朗復著竒勲既而聖情載洽念功勞■特蒙賜■用表深榮太宗以元雲入戶未改唐侯之爵白水開錢猶踐蕭王之號秦王府妙資左右公以良家首辟■令長上仍賜大袍既而飛鷲侵■長虹竭井雖域中四大正西北之傾維而天下一家有東南之反氣太宗乃殄茲方命殲厥流言推大義以龔行元至公而克翦公以九年六月四日載靜奸回因而侍衛十旬不出既而汾陽脫屣代郊承禛高鳥盡而藏弓歸獸存而去戰公乃方從挾策且欣囊矢結墳籍而爲畧驅禮義以爲禽然以七德攸歸五營斯佇方始執鞭之任式隆初簣

之基以貞觀五年授右衛勳衛
七年賜絹一百疋八年授右勳衛校尉公以懷才樂道緯武經文學而時習顛沛必於函丈功成不居終始存乎退尺每策勳而命賞常後已而先人所以幽谷非遷望喬木而韜響澠池徒奮坐大樹而銷聲雖薄遊之志每深而厚祿之期終及十年蒙授游擊將軍守左領軍長春府別將仍於永豐倉留守佳兵七萃左帶皇畿敖庾千箱傍臨陝服正壘壁其斯重瞻海陵其已陋聿兼其任隆寄存焉十二年以琰極西傾玉鸞東警皇輿帝阜肅龍駕於風雲天動神行揚鳳旗於日月董司戎禁載佇忠賢車駕自東

續苑十七

五

都還京乃勅公檢校右衛勳上府郎將十七年以震宮養德乾心佇乃詔曰官人志懷強濟計畧沈遠勞効著於戎旅恪勤宣於階闈宜加榮擢周衛儲闈可守太子右衛率府勳衛郎將於是青闈振景絳地增暉招搖之桂連芳共蒼琅之竹比節同十九年馬邑慙職無踰於驟山之義龍顏憑怒有事於遼水之陽鶩雷輜於碣石洗天兵於海島時高宗天皇大帝銅樓毓粹玉裕流溫雖義在懸弓宜扈於擒縱而時方主鬯實資於監撫乃州留守命公等奉儲闈廿年丁驃騎府君憂去職退輟趨巷偏悲陟岵絕漿九日已摧唐頌之心茹痛三年每泣高

柴之血廿三年詔授太子右衛率府翊衛郎將犀鈎
在飾鶴登榮抑禮援琴仍奉樂風之韻踰晷改燧
更承重日之輝既而龍躍在天正銀題於紫極鴻飛
漸陸振玉羽於霄高宗卽位之後授右衛中郎將
永徽三年除守右驍衛翊衛中郎將張奐坐帷奮雄
邊之遠畧馬卿建節馳喻蜀之高文才宦雙美括囊
千載五年詔守太子右虞候副率尋加兼太子右虞
候副率徐邈授經之彥師表攸存卞敦良將之才閑
邪是屬公之授也斯實兼焉俄屬六麟徐駕御西京
之霧雨五牛遐拂俯東洛之風煙鈎陳旣委英賢是
賴駕幸東都之日檢校左領軍衛將軍尋又駕幸

續苑十七

去

并州先置還東都日檢校右領軍

衛將軍仍知六閑馬事温驪籥景歆於雪谷瑞

生風銜珠耀於井賦無不理帝有嘉焉俄又兼

太子右衛率系惟秩寔茲以建功

茂仲以主門興績瞻言故實英尚斯途公以儔之則

爲優矣方冀有仁必壽有壽必隆而位未極於鈞璜

問望周之浦齒不延於練玉遽頽觀魯之峯以顯

慶五年八月廿四日遘疾於

第春秋六十有二晁旒興悼哀榮兼極勅書垂慰

賙贈逾隆詔問嗣子行儼等并賜物二百段粵以龍

朔元年歲次癸亥二月戊午朔十九日異時潛研堂金石跋

尾云癸亥乃龍朔三年非元年也又以通鑑目錄考之龍朔元年二月丙寅朔三年二月乙酉朔俱非戊午朔碑版之文所紀年月宜得其真而帳悟如承厝此殊不可解然此碑決非後人所能偽作也

於雍州醴泉縣履中川以從先一禮也惟公降象辰緯誕靈川岳德光寶璧舒白氣以成虹才苞利器橫紫氛而射斗昔在髫初卽踰常類嶷然殊狀如旭日之吐青山湛乎深識若明月之含碧海克岐日就至性天成教以義方則行之靡失趨而有訓則奉以無違承顏必當於隱犯知年每形於喜懼不愆于德瞻梓無以措其徽未嘗有過折捶無以申其罰泊乎歷丁艱疚殆不勝喪在驃騎府君之憂公時已班隆貴屢將毀滅痛深朝野于時乃有巢鷲乳于倚廬觀聽

續苑十七

七

嗟古今攸絕豈止許孜永慕栖鵠翟於虛檐丁密窮哀翔鳧於沼若斯而已矣加以友于成性愛為懷共駕無睽屢振鍾輿之同衾有慰每追姜室之歡兄弟數人公為其長居上斯睦撫下以仁讎鞞增映怡怡可樂其後五門將闢三荆遽慘公乃責深自箠悲共氣而無終訓切在原泣分形而有異雖同胞竟阻王脩之喻罕遵而推產不干卜式之資未給公以鼎貴餘業財踰巨萬一無所取咸以讓焉遐邇嗟伏宗姻駭歎公以幼承教義早聞詩禮德思潤已學尚專門俄屬有隨蕩覆生人殄喪鄙書劍而事干戈弃俎豆而脩軍旅故得藝殫弧矢精極韜鈴戟

枝楊葉窮取睽之妙。金匱玉堂盡殛戎之術。所以革車每次大戮斯殲。慮靡遺策。兵無挫銳。非以賞而邀利。○以功而自伐。然則因時命律。積稔論兵。受而莫違。當厚惠而居。百夫之長。推而不有。委榮名而辭。萬戶之侯。卓矣高蹤。魯連豈唯於蹈海。安乎卑位。曷舊遂勞於執戟。大雅君子斯之謂焉。子國子明。經高第朝請。大夫行綿州司馬行儼。○遠將軍守岐陽府。長上折衝行均。游擊將軍守甘泉府。左果毅都尉行方等。或傳經綜業。或良弓嗣美。誠在孝而斯勇。寔致果而爲雄。仁者安仁。心無昧於觀行。將門有將。理不差於必復。旣而匪莪嬰酷。悴柏纏哀。攀蠹索而增慕。循

續苑十七

六

鑿楹而載感。於是乃与昆季聚族興言。以爲陵谷難恃。風猷易絕。雲臺入畫。莫究遺芳。天祿藏書。方成蠹簡。欲垂不刊之跡。必存無媿之詞。於是爰勒他山。用旌斯烈。無使波空渤澥。識墮淚於千齡。麓徙琅瑯。傳受幸於萬古。其詞曰。
立功立德。惟武惟文。銘戈著範。勒鼎昭勳。名懸日月。氣凜風雲。誰其克紹。卓矣夫君。緒派伊笙。望隆淮筮。肇錫宦族。卽榮昌。袞袞服有輝。旗章靡替。明明斯謀。高門是繼。英英亮狀。灼灼瑰奇。不慝于道。無忒其儀。光含巨闕。彩振長離。公山比驥。呂望非鸛。運屬時屯。道叅人傑。鵬圖鳳舉。雲迴風烈。濟水秦亡。登山趙滅。

功成百勝。途夷九折。已建宏勳。俄膺懋寵。期門甫陟。羽林初奉。帝庾斯衛。儲兵載擁。寓省才高。司階位重。官連四率。望越五營。聲芳漢將。氣表周楨。未登台室。遽掩佳城。哀纏國寶。痛結人英。樹慘王哀。松凋許泣。九泉長送。百身何及。鶴兆方兼。烏墳永戢。山秋月思。野寒風急。傳鈞令緒。待漏英才。蘭期奄隔。楸思俄開。圖芳隧路。紀德泉臺。九原徽烈。万古風埃。 大唐

二年歲次庚寅二月戊申朔十九日景寅立朝

散大夫守著作郎文館學士兼修國史上柱國濟

南縣開國男苗神客撰淨普寺釋行滿書

漫漶舊醴泉志已云存二千五百餘字今據舊拓本書之十得八九勝于王氏萃編所載為多矣

續苑十七 九

大周無上孝明高皇后碑銘 并唐 武三思

思臣聞一儀合德中黃承太紫之庭兩曜齊明玉兔儷

金烏之象是以九霄高映○星躔垂婺女之精十野傍

羅嬌水叶娥皇之德亦有西陵美族■軒帝之宮

南土嘉媒入娉夏王之幄其後大任端一■即創文基

大如勤勞還開武運故知皇三事業咸資坤■齋字之

功帝五風謠必藉陰靈之化無上孝明高皇后○農

仙掌至也字出自有周益唐叔虞之後原夫赤烏

流火丹雀銜書爾開夢梓之祥旋茂翦桐之業自

唐郊徙邑晉野裁封即胙土而有家啓禎符而得姓

周則志為大將承九代之餘資秦則款為上卿居七

城之重任。豈直十至丹轂。金莩鳥弈於都畿。四代白
環。玉緒蟬聯於海縣。子雲博識。吐鳳摛詞。伯起高材。
銜鱣襲祉。詭璽字聖不墜。降靈相屬。神基與紫嶽爭高。
仙派共黃河俱遠。所以山隆鐘鼎。壑地積衣冠。五公
則異代相傳。八子則殊乖。年閒出。詳諸因字國史。可畧
而言。曾祖諱定。後魏都督。歷新興太原二郡太守。并
州刺史。晉昌穆侯。宏材卓犖。峻局深沈。丹山有象。字日
之彩。綠壑見遺風之步。褰帷按俗。風行馭竹之郊。露
冕臨至。化偃焚林之阜。豈直鄧攸罷郡。深歎雞鳴。劉寵
辭官。方憂犬吠。祖諱紹。後魏征西將軍。金紫光祿大
夫。兼通直散騎常侍。驃騎大將軍。周開府儀同三司。

續苑十七

三

封儻城郡公。廊幽燕三州刺史。贈使持節大將軍。成
文扶鄧洮五州諸軍事。成州刺史。諡曰信。警飛漸陸
響。逸鳴臯。器重南金。材橫東箭。謀深八陣。勇冠三軍。
旣隆投石之勳。果踐銜珠之秩。加以金龜結紐。銅虎
分符。轉扇揚風。停車待雨。童兒結要。無欺一之之
期。親友論刑。自得二之之詠。父鄭恭。王諱達。周內
史中大夫。隨開府儀同三司。黃門內史。吏部刑部二
侍郎。尚書左右丞。趙郡二州刺史。工部吏部二尚書。
上言營東都大監。將作大匠。武衛將軍。左光祿大夫。
遂恭恭公。贈吏部尚書。唐贈尚書左僕射。垂拱二季。
封鄭王。食邑一萬戶。依舊諡曰恭。卽雍州牧司徒觀。

德王之季弟也。量包江海，氣逸煙霄。文則呂氏春秋，武則孫吳兵法。箕裘代襲，鏘鏘萬石之君。禮樂基身，翼翼千金之子。鸞迴玉札，鴈落瑤弓。激水張鱗，遙浮渤澥。搏風理翰，直上扶搖。累踐崇階，頻昇顯秩。翳韃北闕，位揔貔貅。曳履南宮，聲高鸛鷺。貂冠入侍，氣應連珠。隼旆分班，榮參執玉。加以累仁，鍾趾積德。延祥四履，開封寵及九泉之路。千乘禮恩，覃萬古之前。棠棣相輝，鵲鴿交映。劉家兩驥，譽滿寰中。荀氏八龍，名高海內。通門向術，冠蓋成陰。甲第當衢，歌鐘就列。伏惟無上孝明高皇后，資靈匝朝魄，毓粹○宮承茂社於瑤筐，降仙儀於金屋。聲馳卅歲，潛流夢乙之祥。

續苑十七

三

譽表笄垂，暗積捫之貺。蘭襟散馥，蕙問揚翹。懿則重於邦家，柔儀冠於今昔。忠圖孝範，授翠竹而凌霜。媛德嬪容，引青松而冒雪。禮枝合秀，藻七誠於情田。行葉分芳，籠九師於性府。徽猷內湛，韶姿外發。懸明鏡於積水之間，振清飆於長松之上。貞規漢遠，亮節秋高。翠縷紅纒，從來未重。龍梭鳳杼，本自多輕。簡素鄙鞏繡之工，靜默尚韋編之道。明詩習禮，豈唯秋菊之銘。閱史披圖，乙止春椒之頌。學標而縱，開道德之清。關業契生知，入文章之妙境。曾於方寸，具寫千言。搃遊霧於毫端，窮偃波於筆杪。芝英雲氣，入魏帳而分輝。龍爪魚形，映張池而散彩。嘗題一簡，密記貞心。

置以緘滕藏之屋壁云當使惡無聞於九族善有布於四方指此立身期之必遂後因修宅匠者得之恭王見而歎曰此隆家之女矣昔者書堂欲壞唯聞絲竹之音劍匣將開空覩蛟龍之氣未有仁心暗徹睿德冥通橫宇宙而無違滿乾坤而自應若乃行該壑義孝極而經親枕席而忘疲候晨昏而靡倦及乎風枝不靜露蓼含哀哉履厚壑而無追仰曾穹而莫報思欲托三乘之妙果憑五演之元宗永奉嚴親長栖雅志昔隨季喪亂海內沸騰伏鼈垂而風塵暗起羣龍戰野旗鼓潛張自騎於是爭馳青犢由之競擗蚩尤則餐沙食石項羽則索鐵申鉤赤眉探盆子之

續苑十七

三

籌黃巾聚而師之米夫三才合契唯神膺大寶之名六位乘時惟璽運洪鑪之德唐高祖神堯皇帝材雄鵠起業峻龍飛用丹辰而靈王將朱旗而撥亂而綱既紐竟收龍鳳之圖壑角咸清遂翦豺狼之毒無上孝明高皇帝觀時有作應運而生先知赤伏之言預識黃○之兆功深坐樹績茂披荆負伊鼎而陳謀入張幃而建策龍鈴獨運當赤壑之三千獸節長駢偶皇而之百六息崑山之巨燎並藉中權定滄海之橫流咸資上畧志同魚水契若鹽梅如魏武之得荀攸似漢光之逢鄧禹雖英圖盛烈昭鶴鼎於高門而闢則嬪風闕魚軒於中饋高祖神堯皇帝位膺元首任

切股肱利涉大川寄隆舟楫式崇勳舊爲結潘楊酬
功草昧之時賞效雲雷之②高后以孝誠純至雅操
虛冲拒縟禮於移而誓閑襟於匭窆六塵不染孤標
水上之花四諦方披獨晤○中之匝泊乎鳳凰開繇
猶堅匪席之心烏鶴成橋果迫如綸之命於是使桂
陽公主爲婚主禮娉所須並令官給旣而三○叶兆
百兩邀歡與松蘿而比茂諧琴瑟而流響風聞少女
襲蘭蕙而馳芬匝娥韻珩璜而動步光生綺殿
比桃李而增鮮影發春樓視雲霞而掩色八紘欽其
雅躡四海挹其鴻徽猶羽翼之宗鸞鳳風雲之隨龍
虎者矣廟見斯畢卽拜應園夫至從班列也于時帝

續苑十七

三

圖肇建王業夙基三戶亡秦覺風塵之始定四門闢
舜識雷雨之將調而無闕②之祇宰息崩山之禍主
上方勤庶政屬想羣黎將貽共理之憂式廣求賢之
務無上孝明高皇帝以勳兼竹帛義重金蘭備厯文
武昭昇内外三踐八元之位四臨九百之途中臺飛署
劍之榮南服揔班條之任高后以業光圖大道叶墳
篋欲啓仁明寔具儉助是以量如江海令未發而風
移化穆荆衡澤將流而至悅喁鷹臺下尚隔去思抵
鵲巖前始歌來晚俄而高祖晏駕瞻脫屣而無留太
祖崩號奉遺弓而積慕沈綿遽軫終無就②之期痼
疾遄淹忽切乘○之釁高后哀深杞塚誓切柏舟悲

一劍之先沈怨雙桐之半死昔時寶鏡愴對孤鸞舊
②瑤琴悲聞獨鶴銜窻茹痛撫總帳而增號弔影傷
魂踐爛閨而凝慕方祈淨業敬托良緣憑慧炬於幽
途艤慈舟於覺海於是心持寶偈手寫金言字落貫
花詞分半匣龍藏豈及象負難勝將佛②而長懸共
慈燈而不滅及龍旌首次屢縛遵途永惟憑附之誠
願託丘榛之側方冀鴛栖梓樹近接埏庭鶴舞松枝
傍依墜路特以壘上率居膝下愛切掌中理藉劬勞
方資顧復宣和諭善屢積葭灰②就匣將頻移柘火
至永徽六季壘上母儀萬罔示位六宮將開練石
之基乃遂頽沙之社大帝以西京命賞平原之秩未

續苑十七

五

②東漢崇恩新野之封猶福於是廣流②需大啓黃
扉稽石窈之遺塵裂寶符之氣昂以其率十一匝時
拜代罔夫座食湯沐邑一千戶品示第一位在王公
母妻之上魚軒水鷺颺輕影於龍池暈服霞明下鮮
文於鳳掖榮由德被位匪恩昇驟應嘉名徒昭洪澤
以顯慶五季十匝轉拜榮罔夫座尋改封鄧罔夫座
自家疏槐里門荷耜庭累沐殊輝頰膺茂典南鄰夜
靜奏鐘磬於高臺北里晨通列笙竽於廣榭門有躡
珠之客家豐饌玉之廚恒處逸而思勞每將昇而必
降綠墀青瑣特忿王根火布金地深非梁冀謙搗之
美萬罔仰而知勸端潔之風九圍欽而取則智周寰

宇識洞古今思所以匡罔庇厓濟時執物嘉謨讜說
屢發於神襟厚利豐功頻彰於帝念奏便削藁厓莫
能知每以孔光祕言合爲思之道山濤密啓得事君
之要可久可大置黔首於生成惟幾惟深頓蒼元
於覆籙至若緣情體物屬事比辭取之以義方先之
以風化清詞海富緝藻雲繁凡所著述皆成典詞其
動也方其靜也直其恩也若春雨之流津其威也若
秋霜之應節接上以禮逮下以仁君子感其德小厓
歡其惠而機獨轉靈臺迴燭虛鑒與②匝齊明神理
共陰陽比奧洋洋乎不可得而稱也既而離宮霧闕
遙橫壑乳之山別館○開上戴而眉之宿甘泉避暑

續苑十七

三

方陪萬乘之遊景福追涼更扈六龍之駕不謂災纏
霧露疥積膏肓丹辰凝慈召名醫而接軫紫霄流渥
下瓊藥而相望玉釜徒煎竟乏長生之術金丹莫就
終無駐壽之期咸亨元季八匝二②崩於九成宮之
山第春秋九十有二璧上以身齊霄極禮闕晨昏戀
隔九重望長筵而下泣心馳五起瞻厚縟而銜悲大
帝慮不勝哀祕茲凶問直筵欲對仍流不次之恩藁
服將臨更下非常之澤仍改封衛罔夫厓以諭璧上
之憂懸也后疾將大漸時落高春雅志無昏神情不
撓影隨燈滅自此長辭魂逐香銷終無斲反以爲合
葬非古禮貴從宜將追罔極之慈願在先塋之側璧

上奉遵遺旨無忝徽音。割同穴之芳規就循陔之懿躅。卽以其季庚午閏九匝辛丑朔廿一^乙辛酉遷座於雍州咸陽縣之洪瀆原鄭恭王舊塋之左禮也。爾其郊原垧圯林薄阡眠秦壘關河迴接寶籬之野漢家墳隴平依金狄之川松檟森沈何季烏住風煙蕭索幾代至亡於是凝恨九所廢朝三^乙空山露泣痛結飛行曠野雲愁悲躔草樹乃下制贈魯囿大夫在諡曰忠烈仍令司刑太常伯盧承慶攝同文云卿充監護大使右肅機皇甫公義等爲副賜東園祕器每事官供務從優厚仍令西臺侍郎道囿公戴至德持節弔祭京官文武九品以上及諸親命婦並赴宅弔

續苑十七

美

哭仍送至渭橋葬事並依王禮給班劍四十疋羽葆鼓吹儀仗送至墓所往還官爲立碑親紉銜禮壘上因心轉切錫類方^安希申莫大之懷冀展飾終之請烏墳欲列思增茅土之儀鶴壘將崇願廣山河之誓遂得五雲飛彩墜仙液於松塋十^乙迴光被增輝于蒿里乃下制贈太原郡王妃餘並如故所司備禮冊命大帝親御橫門開軒悲哭紫宸哀慟黃屋淒涼而壘爲之寢光煙雲由其輟色壘上以幽明永隔^乙岵岵長辭終無再見之因鎮結千秋之恨奔曦已遠薦霜堇而無垂逝水難追饋冰魚而未^乙又以嚴規早墜遠十厝於鄉墳慈蔭重傾近陪親於京壠陵塋眇隔

長懸兩壑之悲關塞遙分每切百身之痛遂命大使
備法物自吳陵迎魂歸於順陵焉遊冠遠降墜鳥遙
遷方移沛邑之魂更啓橋山之域白雲朝起乍伴龍
輜明匝宵懸時低廬衛文明元季壘上臨朝其季九
匝追尊先妃曰魏王妃食邑一萬戶實封加滿五千
戶改咸陽園寢曰順義陵大名而啓奧壤○分古樹
捎雲近對黑龍之水荒墳映匝傍隣丹鳳之城徽號
旣崇園陵齋廣屬以圖書河洛龜負鳳銜窓闥方圓
雲攢霧矯合宮重屋旣布政而嚴禋玉輦金輿具巡
河而拜洛永昌元季追尊先妃曰忠孝太后旣而謳
歌允集獄訟知歸而垂革命之符壑涌受終之錄元

續苑十七

三

珪錫禹還逢揖讓之季黑玉歸商卽啓休明之運九
莖仙草依漢殿而抽芳五色祥雲繞軒宮而布彩下
從至望上應丙心乘寶位於通三建瑤圖於得一黃
琮蒼璧祀壑郊而復廟重簷宗文祖武鴻名肇創光
鳳闈於幽泉茂禮將加飾鸞圍於長夜而獫狁報元季
追尊曰孝明高皇后陵曰順陵復以祥分貝葉瑞演
龍花金容開十壑之圖玉相告三空之議龍軒黯黯
俄爲兜率之而鳳閣峒峒忽似須彌之座金輪旣轉
玉鏡方懸式詮無上之文齋顯崇親之義長壽二季
后位之上又加無上兩字尋又下制改順陵曰望鳳
臺東京故事西漢遺塵封樹空存追崇未廣豈若宸

襟鎮結長懷露序之哀睿念恒纏永積霜長之暮遙
瞻鳳野式建嘉名遠望鶉郊長懸美稱且夫功成翼
贊尚畫雲臺勩擅勳庸猶題麟閣況乎俱而茂德貫
區殊禎垂母則於寰區導嬪風於邦國豈可使炎涼
暗積陵谷潛移唯栽舞鶴之松不刻盤龍之石壁上
凝懷萬化長想千齡恐壑軸之西迴懼而關之北轉
方圖琬琬式降絲綸永嗟仙鶴之歌用罔靈龜之上
微惠攀輝樹沐潤○潢榮忝綠車職兼青史奉先
追遠恒積慕於丹誠相質披文忽承恩於紫誥是用
恭拙弱思敬述洪猷屑瓦徒勤生金媿妙揮毫奪魄
陳萬一而龜窮伏紙驚魂辭再三而不獲遂巡拜首

續苑十七

三

乃作詞云

邈矣上古悠哉厥夙而迴紫府峯轉黃輿陰陽蕩薄
② 匪居諸靈龜負識寶鳳銜書其六位既陳三才乃
立帝皇鬱起后妃更襲蛟電遙凝虹○下入渭浹疏
派塗山是葺其明明高后奕奕輝光白環代鬱丹轂
家昌靈基嶽峻曾派河長捫而集祉裕後開祥其爰
自生育早彰尊貴匪出○流青龍紫氣金屋是貯玉
衣方葦鷲卵非奇雜珠異芝蘭吐葉桃李開花
黃雲白氣夜匝朝霞賢明自負仁孝無加曾霄降藥
祕篋飛沙其聰晤而資惠才神與河漢靈匹瀟湘帝
女筆動鸞迴絃調鶴儻滌想金壑壑心寶聚其六仙容

婉婉豔質峩峩○妃恥出匡媛羞過椒花入頌柳絮
縈歌詞峯秀嶽學海馳波其魴鯉成詩鳳凰開兆琴
瑟既合室家斯紹兩鶴齊飛雙龍並繞德行方肅言
容是昭八九圍母則六合嬪風恩流海內化被區中
銀環曉上金珮夜口祥開梓闕位冠椒宮九習禮明
詩披圖閱史漢朝馬鄧周季任如陰化聿宣坤義肅
理貫匪騰瑞驚雷其高春忽墜上壽俄蹇金丹
不熟玉釜徒煎黃泉九壑白三而六宮恨積萬圜
哀纏一一寂寞巨壠淒涼原隰畢壑難追終而靡及
齋露晨清秋霜降急伏紙術悲揮毫灑泣怨壘賢之
同盡感昏明之遞襲紀盛德於豐碑冀神猷兮永立

續苑十七

元

共一長安二季歲次壬寅金三區已巳木朔五四癸
酉金建特進太子賓客兼修國史上柱國梁王惠三思
奉勅撰太子左奉裕率兼檢校安北大都護相王惠
巨奉勅書此碑明末地震而仆後遭縣令鑿碎用之
修渭河岸成陽金石遺文尚存僅十之
二三至王氏萃編所載祇二百八十八字子所藏汪太
史士鉉手蹟二冊題云唐碑錄存內有此種獨為完
全必出地震前舊搨也
亟錄之以補萃編之闕
續見順陵碑舊搨本重校
正四十一字甲戌閏月記

續古文苑卷第十七

續古文苑卷第十八

賜進士及第授通奉大夫山東運省督糧道加三級孫星衍撰

碑志四

大唐朝散大夫行潤州句容縣令岑君德政碑

唐張景毓

蓋聞諸易曰有天地然後有萬物有萬物然後有君臣有君臣然後有上下然則星辰爲緯丘陵山險所以經啓八紘彌綸萬域者也聲明文物禮樂詩書所以黼藻生靈化成邦國者也至於高居萬乘富有四海爲而不宰裁成於孕育之先感而遂通囊括於混元之首雖柔來剛往乾坤之軌躅可尋而步帝馳王

續苑十八

一

雲火之深塵不昧則疇咨四岳允釐百工大則鶴鼎魚璜錫寵於機衡之地小則繡鞞墨綬守位於子男之國其有相門綉緒王佐推才負揭仁義周旋禮節排九流而迥出掩三異而孤昇緝諧毗吏綬和風俗堂上堂下驅密賤於後塵星出星入置馬期於散地閒而以肅嚴而不殘馳心於廊廟之前口迹于江湖之上者獨在于岑君乎君名植字德茂南陽棘陽人也其先出自顓頊氏后稷之後周文王母弟輝剋定殷墟封爲岑子今梁國岑亭卽其地也因爲姓代居南陽之棘陽十三代孫善方隨梁宣帝西上因官投迹寓居於荊州焉自軒階垂祉姜洵開宗神岳搆

其嵯巖靈根肇其枝葉其在佐帝師王封侯尚主十
卿五公之貴七珥三組之榮衣冠燭耀於區寓元緒
綿聯於載籍亦由秦移趙璧魏得隋珠不常厥地所
在稱寶何止梁亭漢室先開佐命之封吳郡荆門晚
葺因居之地若斯而已哉高祖善方梁驃騎大將軍
周起部尚書開府儀同三司長憲縣開國公食邑一
千二百戶贈侍中諡曰敬當萬機之損益成八座之
儀表銀艾圭芑金鏘玉振榮高當代龍豹之託逾深
寵茂幽局鸞鷲之寄斯重曾祖之爲隋虞部員外侍
郎襲爵長憲公霞騫電邁鳳彩龍光初膺星鳥之榮
晚襲山河之寵祖文本皇朝中書令兼太子賓客宏

續苑十八

二

文館學士江陵縣開國伯食邑四百戶贈侍中諡曰
惠宏材巨量經文緯武高標百尋絕壁千仞丹青神
化翊亮天工卽隆周之申甫亦皇軒之風力若乃百
揆務殷三階事切西朝機要之所北閣神仙之地任
摠訐謨榮高密勿至於五車萬卷百家諸子吐鳳懷
蛟凌雲槩日不尚浮綺尤存典裁藻翰之美今古絕
倫父景倩周大中大夫行麟臺著作郎兼宏文館學
士綰青襟而司禮館草元經而登書閣聲榮之重驛
美於當朝燕翼之寄傳徽於後烈君紫泉飛液丹山
耀彩孤峯懸日月之輝激溜聚烟雲之氣虛心侗儻
靈鶴再舉而未窮逸調從橫大鵬六月而方息生而

好學幼而知禮孝行無待於傍授仁心得之於自然
黃憲之類顏回汝南爲貴賀循之擬龔勝江東擅名
不學左思十年爲賦聊同方朔三冬讀書不出戶庭
旣馳心於萬里將排雲日亦因基於一匱弱冠以簪
纓貴胄調補修文生明經擢第緇帷連夕拜之所紫
禁迹朝聞之地圖書所會館宇生光解褐同州叅軍
事譽警北曹聲馳南府地靈天秩渾金璞玉之材主
吏叅卿孫楚蕭何之德屬軒坐卜遠禹山斯會撫遺
劍而空存想遊冠而無及松蘿漢隧竹染湘川雖鏤
鼎銘彝將勒生金之字而庇徒葺事終資倚玉之材
課効居多恩腴俯逮特授蒲州司戶叅軍事俄以親

續苑十八

三

累左授夔州雲安縣丞賈誼長沙屈原湘水溪連五
毒攀鳥路而銜悽峽帶三巴聽猿聲而下淚秩滿丁
府君憂去職三年泣血七日絕漿殆不勝喪幾於滅
性服闋調補衢州司倉叅軍事秦稽負日楚夢含雲
東連射的山西拒沈珠之浦上農攸属倉廩爲禮
節之先下位斯安等列處儕流之首尋沐恩旨雪其
親累一遇雲雷之施再生花萼之榮旣席寵而沿恩
亦流根而泊葉君之兄羲材望冠時聲名動俗膺奮
飛而首出指寥廓而曾騫位纔陟於聞鶯才實兼於
綠鵠旣而八龍雙驥慈明與劉岱均飛二陸三張士
衡與孟陽齊價豈直家風祖德見稱於中旨掌紉司

綸復傳於後。堯光輝所燭，朝野增榮。然則宅火均司，象雷分邑。莊周著小鮮之誠，尹何招美錦之嫌。列五等於姬封，高十城於漢秩。字育之道，循良是資。擢授潤州句容縣令。瑤山奧壤，金陵舊地。郊原枕端，委之墟。江漢擁朝宗之水，海潮驚而翔鷺起。山氣合而盤龍見，物產殷積，水陸兼并。人多挺劍之雄，俗有亡珠之弊。君達於時事，明於政理，教不嚴而自肅，化不令而人從。毗黎感惠愛之如父母，奸邪屏迹。畏之若神明，戶口滋豐。田疇墾闢，行太丘之道德，息灌壇之風雨。國家下武膺運，中興纂業，氛祲廓除，日月開朗。君遇見知之，主逢時來之，運若魚縱壑，如鴻順風，優制

續苑十八

四

所覃。崇班益峻，加朝散大夫上柱國。紫泥流渥，朱紱昇榮。列五采之通班，連九章之賁飾。於是貴而思降，盈而知損。如絲之旨，載流亂繩之化。愈息先是，邑居湫阨，里閭榛蕪。爰自厯政，未遑加緝。君乘三餘之隙，因四人之暇，覽山川之體勢，量資物之豐省。逐便興功，因時改作。人無廢業，役不浹辰。流一切之權道，成累代之宏業。頃綠稼穡，頰口炎亢，雲漢之詠，徒勤京坻之望。斯絕君親，加暴露，徧請山川，率毗庶，以具馨香。俯壇場而展誠敬，濃雲布族膏雨，成絲八極，而俱灑。通四溟而廣徧，自非仁心所及，誠感必通。其孰能預於此乎。加以道尚朋執，情敦讌喜。每至星搖劍

室月下珠潭。菱津迴棹。女之喧桃。逕詠樵童之樂。臨
萬家之井邑。眺千里之風煙。良談閒起。清文不輟。信
可謂兼文兼武。公才公望者焉。聖上深視九重。高居
萬寓。迺旣時政。分命使司。端冕旒而思天下。布德澤
而周海內。博訪英髦。探求異術。十道飛駟。萬域承風。
江東黜陟。使朝散大夫行度支員外郎攝右臺侍御
史源乾曜。崖岸孤聳。風飈秀出。千仞罕節。百尺無枝。
地入星臺。列珠軒而應翟庭。分月樹。搖鐵柱而驚鳥。
水霜凜白。簡之威霞。日聚繡衣之色。迺同李邕。上迴
星鳥之暉。俯類張綱。先懾權豪之氣。以君才地加之
聲實。每肆揄揚。先膺荐舉。王生千里。佇入於匡。佐荀

續苑十八

五

氏十旬。行登於台府。顧盼之重。郡縣增榮。馳表疏於
龍閣。遽翻飛於鶯路。隨郤詵而齊舉。攀鄧攸而不留。
黯黯津亭。搖搖軒騎。壽春遺憤。將折轅而共分。葉縣
歸鳧。遂行舟而俱遠。由是三吳士庶。三江人物。來暮
之歌。方遠去思之戀。益深期歆。君於一年。思段侯之
再撫。丞魏烜。家承軒冕。代傳儒墨。鳴謙自牧。處劇若
閑。以酒牛之巨量。貳割雞之小道。主簿翟子佺。相門
卿族。玉葉金柯。光彩可以射人。風神可以凜俗。尉李
芬。張隱朝。章佩嘉勗等。並公侯復社。琳瑯積譽。經史
足用。刀筆推工。蹇迴東道之姿。多屈南昌之化。鄉望
等。或者年宿望。或盛族名家。負雲澤之懷寶。馳水鄉

之俊逸山川舊迹龍蟠武踞之間軒冕餘風東箭南
珍之亞並殮和浴道多從食堪之恩老安少懷久沐
惟桑之化雖功成帝力上皇之耕鑿已勤而事稟圖
經下邑之風猷可紀是用傍遵繡簡俯緝謠諷數南
襄之故事採西郭之前躅飛丹屑瓦行杼雕金之思
相質披文無媿沈碑之浦其詞曰

山岳■氣河汾孕為基構百尋源流千丈地靈抉軋

天姿胥蠶長建侯襟懷洞朗江陵奕載風颯峻上

蹟隱鉤深知來藏往斲雕為朴用晦而明文緯天地

武定縱橫如周稷禹似漢良平金社開封珠盤載盟

逖矣遐緒猗歟克生案碑詞每段去韻唯此明橫平

續苑十八

六

見拓本姑識此以俟再補乘彼靈慶光斯燕翼道映時宗言為士

則月鏡虛湛雲峯迴植藝蘊縑細材經邦國金玉其

行筠篔其德鶴鳴不已鴻飛未息欲麗九成先階一

匱比迹庠序聯芳旌旆軒墜上遠禹山云萃倚玉推

才雕金纂懿秦關漢輔吳田彌地孫楚奈卿蕭何主

吏鴻鐘待扣明鏡不疲詞端筆杪月落雲披時更出

處道或推移曾參盡孝賈誼傷離五湖東指三峽西

窺六修齊稟百里均知帝道光亨聖人有作如鵬得

吹似魚縱壑越自奮飛載翔廖廓珠江控海金陵負

郭夏禹經營農皇甄度星躔牛斗雲連層閣令長何

擇循良在茲駭駕必賤雕鏤馬期政實無擾人稱不

欺韋弦是緝冰玉攸資神憂河甸獸斷江湄蝗去無
限鸞歸有時八使出關二星向蜀乘驄衣繡揚清激
濁黜陟攸先椎埋是屬上敷帝念下從人欲一聽謳
謠載欣風俗行收顧盼坐成珠玉若管知鮑如蕭待
王君子既見爲龍爲光選衆而舉載揄載揚飛日
路驛薦雲莊眇眇雲澤顛顛水鄉西北萬里東南一
方坐結去思長嗟來暮躑躅輩壤招遙鸞路何以報
恩宸階遠訴何以旌德高碑迴樹潘岳創詞楊修辨
句一刊懿迹千齡垂裕景龍二年歲在戊申二
月十五日建朝散大夫行雍州錄事參軍張景毓字
燭微撰業行寺主釋翹微書

續苑十八

七

唐故朝議郎行兗州都督府方與縣令獨孤府

君之碑銘

唐劉待價

聞夫軋蓋上闢星緯分其纏舍坤輿下蟠河岳裂其
封域是以觀象體物建百里之庶邦敦俗牧人置千
石之多士則有威霽風雨稱明鏡於當時德洽絃歌
号元龜於後葉其有繼美宣化教肅刑清作根本於
巖廓爲喉命於黔庶休明一代映徹九泉厯選徽塵
歸獨孤府君矣公諱仁政字仁政河南洛陽人也本
姓劉氏導榷龍之巨源長河不竭疏斷蛇之曾岫連
岳無窮屬逐鹿於中原乃避時於北漠因山易姓以
氣雄邊及魏室之鬱興服袞論道遷周邦而扈從衣

錦還鄉吐奕葉而增昌朝盈紫綬聳本枝而逾懋郡
接朱轡菌謁紛綸可畧而述高祖永業齊中書舍人
南道行臺右丞洛州刺史遷左丞加散騎常侍儀同
三司特進行臺左僕射封夏州啓靈縣開國公武安
郡開國公廣州德廣郡開國公西平郡開國公瀛州
章武郡開國公彭城郡開國公各食邑二千戶賜鼓
吹一部絹布各二千疋錢卅万俘口三百餘人馬五
十疋轉七兵尚書兼吏部尚書入周拜司徒公行臺
尚書令冊臨川王大司寇少右弼謚曰貞佩金章於
黃閣縮盤綬於玳筵內助理於萬機外佐平於百揆
竒籌獨運戶邑光於六封雅樂相喧鼓吹標於四錫

續苑十八

八

曾祖子佳周柱國直閣將軍武安郡開國公華州刺
史儀同三司隨大將軍涇州刺史應國公拜壇虎將
祠黃石以傳書刺郡神君褰赤帷而察俗賞茅土於
奧壤以答元功進儀服於太階還尊懋德祖義恭隨
京兆郡富平縣令唐秦王府倉曹叅軍事荆王府長
史右衛郎將左衛中郎將左監門率溫汾歸婺四州
諸軍事婺州刺史上柱國高平縣開國侯雍容朱邸
陪文雅之良遊巡警紫微膺爪牙之重任百城宣化
得賈父之能名五等開封獲通侯之美稱父士贇唐
密文生文德皇后挽郎虞庠之胄必擇士林楚挽之
郎寔資門蔭選授霍王府戶曹叅軍事密王府兵曹

叅軍事原州都督府戶曹叅軍事轉汴州尉氏縣令遷坊州鄜城縣令上騎都尉行丹州司馬襲爵高平縣開國侯幕府端簪聞爲善之最樂列曹從務佐激濁以增清叔孝擒奸智窮於耳粟伯騫廌士語重於筭金孫氏襲侯尚食漢閒之地謝庭蘊玉還光席上之珍惟公騰秀二儀降精五緯髫年對日綺歲叅元成千里之權竒望雲驪首刷五色之毛羽抱義質王起家皇朝左勳衛左金吾引駕出警入蹕統式道之朱麾夜傲朝巡司禦戎之金革解褐思州司倉叅軍事像水之平法絃之直遊刃盈庭之訟發蒙列局之疑掌十二之人天致菽粟之流衍改授宣州溧陽縣

續苑十八

九

丞南服水鄉北斗星分吳越雜錯士吏剽輕公贊銅章以化人持水鏡而照物季俗爲之懲革(停)風由是興行轉朝議郎上護軍行兗州都督府方與縣令法三異之化振百里之雷敦禮義以教人薄聚斂以富俗女脩織襪不下三齊男務耕耘還登九穀惟埋止息桴鼓於是稀鳴囹圄空虛簡牘以之無事旣而焦延罷職上書願留劉寵去官攀轅而送方同胡紹專城之任克遷遽等宣尼倚戶之吟斯作以景龍二年三月廿九日邁疾卒於河內郡之私第春秋七十有七士喪衣冠道亡儒墨德音何在恨九言之不追魂氣何之痛百身之無贖惟公抱素懷璞蹈孝履忠蘊

智成囊含明作鏡敞三白之虛室汎登仙之桂舟酌
其流而賦淺深庇其宇而忘寒暑儒林罕見武庫驚
雷六義分落錦之篇八體下崩雲之陣阮公琴酒情
盤脩竹之閒尸子登臨神王長松之下清門赴弔無
雜号之寶儉室奉終靡一金之產可謂至德君子人
之楨幹者也以景雲二年歲次辛亥二月景子朔廿
七日壬寅遷窆于洛州河陽西北韓城鄉龍臺里之
平原禮也馬啓滕城鳥飛楊墓晚風含怨託松柏以
揚聲斜日緘愁向煙雲而沮色嗣子宗業隆堂構孝
極天經攀翠柏以長悲奉元醪而永慕想元成之祖
德遂述家風鑿陳寔之貞碑爰題翠石庶陵移谷變

續苑十八

十

竹帛非堅而懿德嘉聲乾坤等固其詞曰

樓瀧疏派斷地分族遇亂中原避時北服因山易姓

待時干祿

其一

北魏稱帝佐命爲臣爰從鳳蹕式返雞

津葺茅食采華轂朱輪

其二

踵德誕美韶姿令器渾金

璞玉霜鶴雲驥論起談天詞成擲地

其三

振翼鳳穴統

武兵欄捧戟侍帝綰綬除官霜凝吏道花飛筆端

其四

同蒞俗五美興化剗劫懲奸唯眩息詐女脩纂續

男務耕稼

其五

攝官稱謝攀轅告歸佇遷喬木奄落斜

暉昊天不愆與吾何違

其六

相彼青烏啓茲元室編駟

發軔丹旒颺日九原不返千秋永畢

其七

贈人悲而結

惰弔鶴思而氤氳薤灑泣珠之露松纏恹玉之雲爰

勒銘於石以作固於清氛其 □□劉待價撰

吏部常選宏農劉珉書前出孟縣人未見

大周故鎮軍大將軍行左鷹揚衛大將軍兼賀

蘭州都督上柱國涼國公契苾府君之碑銘

并序

唐婁師德

原夫哲后時乘壘人貞觀必俟風雲之應以光朝列
尤資棟榦之材式隆王道若乃傑出文武挺生才俊
道符忠孝性與清白高視於寇賈之前獨步於韓彭
之上脣響名教蟬聯簪組許史焉可儔金張莫能匹
四海慕其風範千里仰其談柄玉質金箱探隴索隱
没而不朽其唯賀蘭都督涼國公之謂哉君諱明字

續苑十八

十一

若水本出武威姑臧人也壘期爰始賜貫神京而香

逐芝蘭辛隨薑桂今屬洛州永昌縣以光盛業焉原

夫仙窟延祉吞霄昭慶因白鹿而上騰事光圖謀遇

奇蜂而南逝義隆縑簡邑怛於是亡精鮮甲由其禡

魄恤允於前涼之境茂俗於洪源之壑良史燹焉此

可畧而誌也曾祖哥論易勿施莫賀可汗遞襲珪璜

夙傳弓冶共棲梧而比翼與良玉而齊價濯如春柳

勁逾霜竹英名振白山雄圖光紫塞祖繼莫賀特勤

積代為英傑之先光圖絢史保家為名教之首揆今

超昔宏材膠葛洪源浩汗映竹史而騰芬綴錦書而

擅響父河力鎮軍大將軍行左衛大將軍檢校鴻臚

卿檢校左羽林大將軍上柱國涼國公贈輔國大將軍使持節并汾箕嵐四州諸軍事并州大都督謚曰毅公塋積膏腴門標英偉發言會規矩動容成楷則學該流畧文超賈馬威青海而安白道光三部而截九夷揆務棘司爲羣寮之宗匠膺榮蘭錡成五戎之準的而鍾漏斯盡而贈崇班聿加千里之榮俄處六條之位哀榮之禮旣洽朝野式瞻送終之典更隆摺紳翹德公赤野生姿青田矯翰家蓄古賢之操門傳高士之節年甫一歲穉上柱國封漁陽縣開國公食邑一千戶八歲起家穉太子左千牛十一穉朝散大夫太子通事舍人裏行十二穉奉輦大夫若夫紫禁

續苑十八

七

青規之所必擇賢而方穉玉階金闕之前實高門之攸處所以榮加髫髻澤及綺紈鳴玉鏘金光前映後乃人物之儀表實衣冠之領袖重以河山險要惟賢是居爪牙任切非親莫委麟德季中穉左武衛大將軍賀蘭州都督自非承家奕葉累代衣纓焉可內奉鉤陳外應刺舉者矣相府在藩爲涼州道元帥以公爲左中軍總督侍中姜恪爲涼州鎮守大使以公爲副然則朝端妙選實佇異能望重材高允膺僉屬後以鼈海未清虵川尚阻戎車所及尤俟英將從中書令李敬沅征吐蕃公爲北海道經畧使於是南討吐蕃北征突厥累摧兇醜勲績居多後狼山及單于餘

黨復相聚結奉制討擊應時平殄前後賢勞不可勝紀改稱左驍衛大將軍襲爵涼國公食邑三千戶賜錦袍寶帶金銀器物雜彩綾錦等數千件穰長男崧三品以醇功也仍改爲燕然道鎮守大使檢校九姓及契苾部落公倣裝遵遠望赤水而前驅勁騎騰空指白蘭而長驚左縈右拂八校於是爭先斬將擐旗三軍以之作氣遂得降絲言以隆爵命自而府而錫珍竒金貝咸紆繒錦交集列鼎而光祖祚分茅以惠子孫策勲居寂又穰雞田道大總管至烏德韃山南招降二萬餘帳縱使李牧圖部魏絳和戎推昔揆今當季冈二尋穰右豹韜衛大將軍未幾復改稱左豹

韜衛將軍并充懷遠軍經畧大使又依舊知燕然道大使公高望重亟膺獎擢得人之譽聞於朝野惟大周革命重懸日月擢穰鎮軍大將軍行左鷹揚衛大將軍餘並如故有制曰鎮軍大將軍行左鷹揚衛大將軍兼賀蘭州都督契苾明妻涼園夫人李柔順成姿幽閑植性聿脩婦德每勤於舌道叶贊夫家必存於忠義既竭由衷之請宜覃賜族之恩并及母臨洮縣主並蒙賜姓武氏公侯必復河洛胄賢屬寶運之開基接僊潢而錫派忠貞無替聲逾金氏表裏承恩勳高石窳後穰朔方道總管兼涼甘肅瓜沙五州經畧使度玉關而去張掖棄置一生瞰弱水而望沙場

橫行萬里幄中有策闌外宣威豈直操履冰霜固亦
心符筠玉名高一代氣逸九霄者矣既而司寇逝川

俄結頽山之恨將軍大樹行聞斷石之嗟悲夫以瑩

疾薨於涼州姑臧縣之里第春秋卅有六制曰悼往

贈榮經邦之懿典飾終加等列代之徽猷諒以褒德

勸能念勞追舊者也故鎮軍大將軍行左鷹揚衛大

將軍兼賀蘭都督上柱國涼國公契苾明理識開舉

局量沉雄家著勤誠代彰忠懇早膺朝寵夙紹庭規

秩峻銜殊寄隆賜鉞入衆巡警恭慎之譽必聞出綏

藩落威惠之聲兼濟②轡不留夜舟俄徒未窮遠畧

續苑十八

古

奄謝昭途棄想嘉庸良深矜歎宜申殊澤式旌幽壤

可贈使持節都督涼州諸軍事涼州刺史餘如故賜

物三百段便於涼州給付所緣葬一事以上並令官

供仍老涼州都督府長史元仁儼監護仍令朝散大

夫通事舍人內供奉邊懷秀弔祭既而居諸易遠宅

兆攸資金臯泛泉玉雞伺旦粵以大周萬歲通而元

率歲次景申八④庚午朔十五②甲申葬於咸陽縣

之先塋禮也禮司謚曰公夙承門閥早踐通班茂績

昭宣聲望顯著學該流畧藝總兵鈴以孝安親以忠

奉罔終始如一存歿不逾旌善易名宜擲典實按謚

法寬樂令終曰靖請謚曰靖公惟公降霜粹而蓄瓌

竒稟精忠而挺才望韶儀淹雅難窺於得失逸調清
通不測其涯涘抑揚人傑彫績士林等桃李之無言
若朱藍之在性先仁而後已鄙利而尚賢亭亭有千
丈之幹其高非易仰汪汪如萬頃之陂其深不可測
有碩學焉有令問焉擅非馬之雄辯蓄靈蛇之雅作
逸氣上煙霞之表高明振朝野之際五公七侯之盛
僅可執鞭曜蟬鳴玉之榮纔堪捧轂如揚彪之丞伯
起若班固之嗣叔皮加以懸榻翹賢分庭接士衣裘
鞞馬朝成夕費兼濟之性光映人物乃構厦之良材
映車之名寶者矣夫人唐膠西公孝義之長女也齊
輝婺彩擢榦瓊枝莊敬率由於天然抑揚女史溫柔

續苑十八

五

稟之於本性光輝內則旣而雄劍潛鋒崩城起恨毀
瘠逾於大禮攀號洎乎剪髮夷夏足其悲哀搢紳增
其慘感屈己而遵大誠飭躬而宣婦道可謂承家稟
訓執仁組行者歟長子左豹韜衛大將軍兼賀蘭州
都督上柱國涼國公佺次子右武威衛郎將上柱國
姑臧縣開國子嵩右玉鈐衛郎將上柱國番禾縣開
國子崇等並早涉義方夙延庭訓孝心眞弊至德純
深及候氣纏憂先嘗空術充窮盈感鴻慕增悲棘兒
由乎絕漿柴毀幾於滅性可謂至德冠幽明窮迷傷
骨髓哀號辭踊獨超前輩雖凶極之誠踐霜露而逾
感相質之重映今古而垂裕是用傍求翠琬式樹豐

碑家風祖德居然在斯用以光士行用以芳本枝歷
千秋兮無斃經百代兮無虧銘曰

東井蒼蒼西土茫茫而開分野壘列封疆門多英毅
代產忠貞偉哉人物紛乎典章其前涼後涼乃祖乃

父赫奕冠蓋蟬聯文武金箱玉質光台映輔至德符
孝貞心翼主其可汗嗣出抑揚流輩業盛后昆道隆

前薰遐迩欽挹夷夏欣戴四海英髦共推貞槩其特
勤垂裕搏風振翼孔席申歡嵇松比直智水游泳仁

山止息討本尋源斯標岐嶷其毅公雅節莫之與京
既忠且孝王佐人英研精流畧捐口良平昭昭餘慶

恤允膺榮其挺生異材齟牽振響未盈小學亟承恩
續苑十八

弊門閱易隆墻仞難仰學行無斃名實逾廣其露冕
關河式清邊傲遠宣威德事數名教肅彼夷落鎮茲

襟要人揚德宇窮微盡妙其綏邊寄重尤資望族顯
允奇材悠然嗣福外清荒憬內膺榮祿總戎之寄聲

連祕牘其洗洗于隰屢警邊城侵②躍馬槩甲揚旌
橫雲列陣背水開營未經千②俄夢兩楹其光鷲繡

留居諸易促旋悲委珮遠傷埋玉松陰隴兮均青草
榮墳兮吐綠式鏤貞琬以光勝躅其先天元年

歲次壬子十二月十六日辛亥孤子息特進上柱國
涼園公嵩立父碑肅政御史大夫上柱國婁師德

製文左肅政御史殷元祚書今石本損泐據正太

大唐處士胡君墓誌

并序

君諱侓字尚真定安人也遠祖曰宦遂尻介休夫椽
椽是佐錯胡綜之文章清白知名見胡威之父子光
光懿烈不替先風簡謙詳謹可畧言矣祖買隋孝廉
舉文林郎幼洽詩書長崇禮樂太初玉樹夙擅嘉聲
韋氏金籀遽昇高第父端養素不仕情貪野薛志篋
裘裳道王丘琴跡存山水君濯濯儀彤汪汪軌度珠
胎孕月光彩絕倫蘭若銜風幽芳自遠鄉里稱善喻
彼少游文籍自娛同夫孟陋遺累躑躅滓傲性煙霄簪
軒不介於懷寵辱不驚其慮歲臨辰巳鄭康成於是
云亡月犯少微謝慶緒俄而致殞春秋七十卒于私

續苑十八

七

弟夫人石氏穠荷比秀美箭齊貞宜其室家和如琴
瑟翰林之鳥始雙飛而隻飛龍門之桐俄半生而半
死嗣子懷爽懷玉帖帖長違霜露增感粵以開元三
年歲次乙卯龍集單闕十月己酉朔廿五日癸酉遷
窆於介休縣東廿里平原禮也縣上山傍昭餘澤右
懼陵谷而驟易思封樹而永懷乃爲銘曰
盤根安定散葉汾壖乃祖乃父光後光前惟君節槩
業尚虛元鬼瞰庭宇鳥鳴座筵不逢石髓俄歸玉泉
一闕丘隴長嗟逝川

唐故葉有道先生神道碑

并序 唐李邕

昔者誕發老君道純天地生得夫子身負日月且時

宰不宗主人勿用矧乎埋照後谷潛盤窮山幽姿蛻
於塵容素尚允於仙類豈辟命行矣爵服繫之而已
哉公諱國重字雅鎮南陽葉縣人也自少典錫羨高
辛纂緒陶唐重熙后稷邁種文王之允乃食於沈尹
戊之子載封於葉受氏享國大哉邈乎逮乎祖乾昱
克壯其猶永孚於德墀戶習隱塞兌億坤碩膚長材
通理博藝雖安車累至而堅卧固辭故慶祚克開眉
壽維永矣厥考道興性守宮庭道敷邦國居鬼從地
率神從天受籙以怛之飛符以北之扼魍魎之邪劉
臺台之崇有足竒也至於揮札落紙引弓貫革特起
五部廣推大餘侯誰嗣哉先生靈承道宗異聞訓誘

續苑十八

大

弱喪文貌幼尚純篤仙骨有象童心不萌專精五龍
遍遊羣岳聰以達遠明以察微達死生之占體物氣
之變嘗靜貞動耗息影歸止雲外口壑林巢仙居人
絕不鄰道阻且右獨往幽勝永歌隱淪放聞保和習
虛致靜掎五石之髓擷三芝之英時哉不留歲聿其
逝縮髮純漆韶顏渥丹事適元同神與道媾惟寂惟
寞不飲不食數十載於茲乃昇聞帝庭駿發皇眷簡
才受命降尊加禮將之以文馬速之以暢轂先生盱
眙長揖握手高謝曰自昔帝舜登庸德輝允鑠光武
繼統吏道孔嘉且薛方逢萌備外臣之禮虞仲夷逸
終處子之業豈垢俗疵物偏貢介性將探道慕類坐

致奇齡使者蓄而之疑申遂行之旨乃周覽廬室躬
省倉庾考疇人之疆晦訊家童之作業皆儉以遵約
安能維始味不甘口色無養日信以爲著誠去僞敢
守難奪順風可卽強起曷至焉遂虛覲復命慙歎聞
列朝廷企其高渴其道聆嘉聲而屬口者豈勝言哉
有司以天元書缺星度官弛亡五德之運謬四時之
分荆鬼越祥不知所況子亥母癸烏識其原皆乘遽
遠尋諸益傳受可謂繩誠列而曲直徵衡誠懸而輕
重立粵惟博物君子豈伊小說鯁生嗚呼天不持久
人將復歸殯年迫於期頤遠志屈於摧落卜兆幽石
託墳清林逸人不追國士靡憲泉石沮色鄉縣失聲

續苑十八

尤

豈無他人惟子之故元子慧明贈銀青光祿大夫欽
州刺史公因替厥繇代增其業啓祕錄之高妙揚元
津之洪波道微若聲心廢若氣吹律煖谷運歷知天
屢下辟書終不應命孫子景龍觀道士鴻臚卿越國
公幼得父書早傳成法夤念有訓邁迹自身讀天下
之書備方外之術火滌淫祀劍誅羣妖恩開五君名
動四國其入也排金鎖謁紫庭爲帝傲吏出也法玉
京坐元寺作仁宗師故能大匠道門豕卿朝右禮食
軒座寓直禁廬矣嘗以理氣自強登老益壯雖暮景
急節而純孝孔哀是獻封章願拜墳墓有軼帝念載
形王言神札以飛傳瑞乃發羣公帳餞列蕃郊迎朝

輝有章鄉人皆慶枉以末技揚於孝心惟先志以追
遠立豐碑以紀德夫何閒然其詞曰

宗門素履家代隱仙道一相孕薪火交傳黃公術左
赤水珠聯道開幽鍵性與眞筌一門累祖四世百年
抗迹巖谷消聲天地卓尔遐舉藹然高致麝以臭焚
珠以明墜人則有心徵亦不至保身匪媮全樸爲利
孝孫增業明辟順風志嘗無忝事或不同徵賢朝滿
舉逸山空曷由高枕克謝代工測微達變盡規納忠
皇眷雖渥孝思亦深章服粲粲傳駟駸駸載違廷闕
是展墳林紀石追遠昭銘率心孝終事立榮歿寵今
遐超古始永憲江南 開元五年歲在丁巳三月

續苑十八

子

七日括州刺史李邕文并書

處州志載此文爲法善使李邕夢中書之故名

追魂碑錄以志異聞

大唐贈歙州刺史葉公神道碑 李邕

公諱慧明字德昭南陽郡人也其先系自軒后殄于
周文聃季食沈子高封葉因爲氏矣逮問政口孔好
龍得眞代有聞也昔者惟帝興運乃聖炳靈風雲相
從卜夢通感閒氣駿發良弼大來有開必先憑物爲
魚因自然矣則我使君降僊府乘道流追縱隱淪叶
契幽叟結廬澗沚考盤巖椒同人利貞遁代勿用雅
好酒德尤邃老經話言解頤精口絕倒誘進不倦虛
納盡口好事集門長者闔里每至升月帷戶咏風林

薄植杖嘯谷席皮琴山泰然樂生澹乎忘老方其維
性壽邈神僊侑赤松之遊縱黃■之術外身先物歸
根致柔緣以大均持以大定色理不盪寵辱不驚繩
繩焉熙熙焉孔德之容罔可測已故師長旌禮邦族
與化智者謂智仁者謂仁雖褐塞桑樞紵衣革帶必
避途加敬襄風惕息焉是用克聞於家大育厥○則
我越公襲上德延慶靈生而知之學而習之有專門
之資得不承之業纔斷犴道既冠同○訊遠岳之福
庭覲幽尋之方士陳呪雷駭吐刃電光沈海莫濡蹈
冶匪焚呵萬鬼搦百神啓陰官之符變冥司之錄追
究往事坐知來茲膏肓無所遁其形霧露不能滋其

續苑十八

王

疾竒跡多緒嘉聲日聞是以大君孔休辟命荐至入
自卧内問以咎徵造膝必誠遇事偕中時更四紀代
且五王順風以請天師敷衽以近皇極緇素莫能出
右公卿是惟虛左國家有事天地將旅海岳公嘗致
禮加璧能事潔羞傳駟載途郡邑迎謁者歲四三焉
自頃賊■嗇袖小人吹蠱敢爲戎首興此厲階天步
未亨人事將殆公乃極陳幽贊大啟聖猷枚卜撰辰
並走羣望作爲邦翰先■主憂殄勦○兇翼扶皇統
是嘉厥異式揚爾忠爵賞懋於身寵贈光乎考匪此
父也曷訓其子匪此子也曷揚其親松楸已行碑板
未立永念終古追存孝思驟請闕廷第如江介遠訪

才子扞違鄙夫趙括論兵多缺舊學班固述史寔賴家書顧惟成章實愧貞石其詞曰

眞隱夷軌默僊解形倬哉獨立企古遐征殆庶元德升觀丹經服鄉不涅光味無營築卜岑渚上藥待琴徐嘯風谷緩步月林白雲怡意清泉洗心曷勝不往曷竒不臨迹因神遠情隋地深舉代方籍皇家未軾肇■懿子載揚令德左慈致物越人辨色司察鬼謀役使神力寵被五君聲聞八極日嘗薄蝕國有多難兇慝扇揚忠烈憤惋亦旣先覺克啻幽贊皇哉神武赫然天斷薄言卽戎于以戡亂帝念疇庸典開列土豈曜厥身寔贈于父朱藩乃錫紫綬是與存致歿榮

續苑十八

三

忠伸孝舉烈烈桐柏緒風興悲表墓有闕紀德無詞哀哀嚴蔭變變孝思孰傳終古是建豐碑贈慧明銀青光祿大夫歙州刺史子道士灑善授鴻臚卿封越國公開元五年太歲丁巳鶉尾七月夷剽七日甲辰建江夏李■■國子監太學生■■

故銀青光祿大夫祕書監兼昭文館學士侍讀上柱

國常山縣開國公贈潤州刺史馬公墓誌銘并序

公諱懷素字貞規本原扶風其先自伯翳馬服具諸史載暨漢南郡太守融命代大儒公卽其後也十一代祖機抗直不撓晉御史中丞扈元帝渡江家南徐州丹徒故今爲郡人也代以學聞高祖涓博綜墳典

仕陳爲奉朝請曾祖法雄慷慨倜儻好孫吳不事筆
研陳橫楚將軍祖果願學禮經不隕素業卽學士
樞之從父兄也少爲尚書毛喜所知陳本州文學從
事父文超果行毓德精意易道及洪範頗曉氣候貞
觀中以有事遼沮筭名勲府龍朔初黜陟使舉檢校
江州尋陽丞棄官從好遂寓居廣陵與學士孟文意
魏令謨專爲討論具有撰著公卽尋陽府君第三子
也幼聰穎六歲能誦書一見不忘氣韻和雅鄉黨以
爲必興此宗十五徧誦詩禮騷雅能屬文有史力長
史魚承瞠特見器異舉孝廉引同載入洛口尚書倉
部郎河東裴珍之博學深識見名人音旨儀形海

續苑十八

三

內籍甚公年甫弱冠便蒙引汲令與子研覃遂博
遊史籍無不畢綜以文學優贍對策乙科乃尉郿無
何丁太夫人人口口憂卽陳學士直曾孫女也本自
名家貞高博識公在艱坎骨立柴毀殆不勝喪服闋
授麟臺正字少監京兆韋方直好學愛士善飛白書
以公旣及冠禮未嘗立字遂大署飛白云懷素字貞
規扶風之學士也封以相遺其爲時賢所重如此以
忠鯁舉除左鷹揚衛兵曹叅軍轉咸陽尉皆則天太
后大崇諫職授左拾遺深盡規諷尋改左臺監察御
史歷殿中彈紉不避強禦加朝散大夫轉詹尹承朝
論稱屈遷禮部員外郎與范陽盧懷慎隴西李傑俱

以清白嚴明分爲十道按察以公詞學贍洽精覈文章轉授考功員外郎修文館直學士遷中書舍人與李乂同掌黃畫踰年檢校吏部侍郎實允僉屬朝廷以刑政所急改授大理少卿關畿行材除雍州刺史惠實在人入爲太子少詹事判刑部侍郎加銀青光祿大夫兼判禮部尋而正除刑部時稱慎恤轉戶部侍郎上以河南蝗旱令公馳驛賑給宣布聖澤所至甘雨使迴拜光祿卿遷左散騎常侍轉祕書監四部舛雜頗多殘蠹公備加按定廣內充積加兼昭文館學士與右散騎常侍褚无量更日入內侍讀每至宮門恩勅令口小舉上殿自車丞相已來殆將千載始

續苑十八

五

見此禮公疇日自序云慕善嫉惡好學潔己自謂不慙古人無負幽明矣直哉是言不騫厥信以開元六年三月十日遘疾中旨遣御醫賜藥相望道路以開元六年七月廿七日終于河南之毓財里第春煠六十皇上輟朝二日舉哀口次乃下制曰存樹高烈君子所以立身沒垂令名古人所以貽範銀青光祿大夫故祕書監兼昭文館學士侍讀上柱國常山縣開國公馬懷素越箭舍貞楚材登用清芬獨映至德可師自服勤典籍納訓惟展輔朕以媿道彌予以正言允資惠迪實表泉懿而曾不愆留歎焉彫落思甘盤之舊學臨宣明以增歎興言感愴用震悼于厥懷可

贈使持節潤州諸軍事潤州刺史贈物三百廿段米粟三百廿碩喪葬所須並令官給京官六品一人檢校公雖累登臺閣率身儉素俸祿之資調贍親友及啓手歸全家無貲產唯有書數千卷以爲燕翼以其年十月十三日窆於洛陽古城之北原禮也有子異等雖年在童孺禮過成人棘心爨爨感于隣巷敬勒行事以旌泉戶銘曰

益佐理水功施生人羨于馬服守趙却秦東京戚賔南郡儒珍德先惟永弈振振其朝請風素橫莖矛戟從事顓禮尋陽洞易公自名家伏膺經籍鼓鐘外遠純涂字未詳內積其用材南楚待問東堂持斧作憲

續苑十八

垂

含香拜郎再飛禁掖七踐文昌國傳茅土巷擁旗常其井春紛綸桓榮稽古行儒師逸高跡誰伍公實踵之堂奧斯覩匪徒外濶爰歸內補其惟昔殷后學于甘盤一期千載遇君則難充堂何那其臭如蘭懿哉夫子斯言不刊其五仁謂必壽神期式殺生寄雖浮夜趨何速寵極韓賜恩深衛哭徒望邢山豈忘喬木其崢嶸徂歲寂歷空岑白日無影寒雲半陰燕城表滅漢水碑沈貞臣之墓樵牧誰侵其七

後漢大司農鄭公之碑

唐史丞節

夫囊括宇宙者文字發明道業者典墳所以聖人作而萬物覩賢人述而百代通禮樂得之以昭明日月

失之而寒忒宣尼彰刪緝之功秦始速焚燒之禍迨乎羣儒在漢傳注瑤口莫不珠玉交輝纖微洞迹同見集於芸閣獨有輟於環林豈若經教奧義圖緯深術兼行者多無如我鄭公也公諱元字康成北海高密人也八世祖崇哀帝時爲尚書僕射公少爲鄉嗇夫不樂爲吏遂造太學受業師事京兆第五元始通京氏易公羊春秋三統通九章算術又從東郡張欽祖受周官禮記左氏春秋韓詩古文尚書攝齋問道鹽衣請益去山東而入關右因盧植而見馬融考論圖緯乃召見而升樓精通禮樂以將東而起歎三載在門十年歸邑及黨事起遂杜門不出隱修經業於

續苑十八

美

是鍼左氏之膏肓起穀梁之廢疾而又操入室之戈承發何休之墨守陳元李育校論古今劉瓌范升憲章文議何進延於几杖經宿而逃袁隗表爲侍中緣喪不赴孔融之相北海疑履造門陶謙之牧徐州接以師禮比南山之園皓鄉曰鄭公類東海之于君門稱通德漢公車徵爲大司農給安車一乘所過長吏送迎公乃以病自乞還家董卓遷都長安公卿舉公爲趙相道斷不至會黃巾寇青部乃避地徐州建安元年自徐州還道遇黃巾賊數萬見公皆拜相約不敢入縣境時大將軍袁紹總兵冀州遣使邀公大會賓客迺延升上坐身長八尺飲酒一斛秀眉明目儀

容溫偉，客多豪雋，並有才說。見公儒者，未以通人許之。競設異端，百家互起。公依方辨荅，咸出問表，皆得所未聞，莫不嗟服。將汝南應劭，亦歸於紹。因自贊曰：故太山守應仲遠，北面稱弟子。何如公笑曰：仲尼之門考以三科，回賜之徒不稱官。閎劭有慚色。門人相與撰公荅諸弟子問五經，依論語作鄭志八篇。公所注周易尚書毛詩儀禮周官禮記孝經尚書大傳中候乾象，又著天文七政論，魯禮禘祫義六藝論，毛詩譜駁許慎五經異義荅臨孝莊周禮難凡百餘萬言。經傳洽熟，稱為純儒。其所撰著，今並通習。是知書有萬卷，公覽八千也。齊魯閒宗之，公後嘗疾篤，自慮

以書戒其子，益恩曰：吾家舊貧，為父母羣弟所容，去廝役之吏，游學周秦之都，往來幽并，兗豫之域，大儒得意，有所受焉。遂博稽六藝，粗覽傳記，時觀祕書，緯術之奧，年過三十，乃歸鄉，假田播殖，以娛翰宓。後舉方正賢良有道，辟大將軍三司府，公車再徵，比牒併名，早為宰相。惟彼數公，懿德大雅，克堪王臣，故宜式敘。吾自忖度，無任於此，但念述先聖之元意，思整百家之不齊，亦庶幾以竭吾才。故聞命固從，而黃巾為害，萍浮南北，復歸鄉邦。入此歲來，已七十矣，宿素衰落，仍有失誤，案之禮典，便合傳家。今我告爾，以老歸爾，以事將閑，居以安性。覃思以終業，自非拜國君之

命問族親之憂展敬墳墓觀省野物胡嘗扶杖出門乎家事大小汝一承之咨爾煢煢一夫曾無同生相依最求君子之道研鑽勿替敬慎威儀以近有德顯譽成于僚友德行立於己志若致聲稱亦有榮於所生可不深念耶可不深念耶吾雖無絨冕之緒亦有讓爵之高自樂以論贊之功庶不遺後人羞凡某所憤憤者徒以吾親墳壠未成所好羣書率皆腐弊不得於禮堂寫定傳與後人日西方暮其可圖乎家今差多於昔勤力務時無恤飢寒菲飲食薄衣服節夫二者尚可令吾寡恨若忽忘不識亦已焉哉又年春夢孔子告之曰起起今年歲在辰來年歲在巳既寤

續苑十八

三

以讖合之知命當終有頃寢疾享年七十有四以其年六月卒遺令薄葬自郡守以下嘗受業者纒經赴會千餘人迺葬於高密縣城西北一十五里礪阜山之原嗚呼哀哉有子益恩孔融在北掾舉爲孝廉及融爲黃巾所圍遂赴難隕身有遺腹子公以其手文侶己名曰小同精通六經鄉人尊之時爲侍中嘗詣司馬文王文王有密疏末之屏也如廁還問曰卿見吾密疏乎荅曰不見文王曰○我負卿無卿負我致鳩而卒悲夫自夫子沒後大道方卷公之網羅遺典探賾今猶特立鬱然時季途屯志不苟變全身遠害猗歟美歟及范曄作論有曰王父豫章君每考先儒

經訓長於公常以爲仲尼之門不能過也及傳受生徒專以鄭氏家注云晉中興戴逵字安道以雞卵汁溲白瓦屑爲公作碑手自書寫文
年代古而碑闕亡德音夙而詩書在承節以萬歲通天元年奉勅於河南道訪察觀風省俗激濁揚清行至州界見高密父老云鄭先生漢代鴻儒見無碑記不以庸妄遂託爲文往以會府務殷無暇景歲序遷貿執筆無由今者罷職含香忝居分竹屬以閑隙乃加修撰耆舊者惟聞其名後生者不覩其事今故尋源討本握槩懷鉛兼疏本傳之文並序前言之目發九泉之冥昧播千載之
翦以繁華不爲雕飾

續死十八

完

文先成訖石又精磨碑未建而承節卒正議大夫使持節密州軍州事刺史上柱國鄭杳以開元十三年秋八月巡茲屬縣敬謁先宗欽承墳墓之閒籌度碑石之側公心至清不欲費公性至靜不欲勞煩廼命參軍劉拙校理舊文規模新勒未閒拙又罷職仍令終事冬閏十二月公伺其歲隙因遣巡團便令建立惠而不費允協人神承節銘曰

煥乎人文圖籍典墳煩亂事翦定自孔君中途湮沒秦帝俱焚漢興儒教鄭氏超羣膏腴美地簪紱宏規嗇夫罷署京兆尋師中候乾象左氏韓詩雖稱積學殆若生知公之挺生大雅之懿囊括墳典精窮奧祕

六藝殊科五經通義小無不盡大無不備好學慕道
深思遠慮來往周秦經過兗豫侍中不仕司農罷著
盧植東遇馬融西去作者謂聖述者謂明窮遠三辟
門傳五更周官東部漢躄西京白玉遍地黃金滿篋
占卜潛橋行途過浦陶謙師友孔融高蓋山啓鬻扉
草生書帶七十歸老三年赴會經傳洽熟齊魯攸宗
爵祿不受贊論爲功禮樂今去吾道皆東類于標德
比皓稱公闈尹擅貴禁錮連年乃逢宥罪方從舉賢
南城避難東萊假田誕膺五百終覽八千今年在辰
來年在巳嗚呼不憊于嗟到此勞我以生息我以死
道該八索神交千祀漣水之曲礪阜之陽通德爲里

續苑十八

三

鄭公爲鄉雲愁廟古月暗墳荒舊碑先沒新石再彰
詞愧黃絹心淒白楊明於不朽終古騰芳 鄉貢
進士 安中書丹徵事郎前行密州高密縣主簿
兼管勾常平倉事 裔篆額 大金承安五年

歲次庚申三月一日勒成

大唐元氏縣令龐君清德之碑 唐邵混之

我國家再誓山河重懸日月明罰飭法覈名實之故
典考績宣力甄象魏之舊章皇道煥炳而時乘帝載
緝熙而日用德惟善政政在養人若令長子男銅章
墨綬而尤善最者可屈指而知宣父中都太公灌邑
童恢責獸卓茂遷蝗男女別途鬼神息暴以今方古

君何讓焉君姓龐氏名履温字若水南安人也其先齊逢伯陵之裔曾祖卿暉元勳佐命功臣第壹等左武侯大將軍封國公食實封四百戶贈幽平燕易嬀檀等六州諸軍事幽州刺史謚曰肅歷數雖改雲雷尚屯披荆棘者馮吳佐元功者蕭鄧將盟帶礪畫象雲臺圖兼衛霍案此借爲霍字之容仕遂漢光之願曜庸賞懋食邑論封祖同福并州大都督府司馬饒州刺史左衛將軍安北都護外揆望殷銜珠寄重匪親不捧非賢勿居阜蓋南臨尋振喬卿之譽紅旌口卷式標鄭吉之能考承訓通事舍人鄭州司馬贊善大夫率更令將作少監辭令抑揚綸鳳述旨題輿叶詠展

續苑十八

三

驥治中洪洞方樟允供於邦造激揚少彙贊裕於搖山君純德天資大材靈降龍章龍彩凝脂點漆出忠入孝遊藝依仁荒蕪四壁寥廓千丈代陪豐沛親預葭莩翼鱗翰之口接風雲之會漢表有外戚恩澤周詩有申伯渭陽起家補昭文生從勳閥也長安二年明經擢第捧宣州參軍尋授莫州司功參軍事秩滿丁二親憂痛瘁瑩枝哀酸鄰社往而不返杖而後行縗禫一年甫從常調開元十九年春會府遂拜公爲此縣令魯子臬之爲政禮變鄙人漢原涉之舉能威行谷口庶矣富矣又何加焉導之齊之非君莫可君有善政者七風雷咸下於屬城樹稼獨滋於元氏其

政一也。頃以陽光斲亢陰液乖旬。苗慮騰興。人或狼顧。公罄奠珪幣。稽顙壇場。俄而油雲四周。膏雨百里。其政二也。闢土蓄畬。用丁分地。勸東作而播稼。課西成之銓。斂躬臨樹藝。親載酒醪。故使夏農服田。秋得其實。其政三也。詢知疾苦。所患虛丁。撫狀上陳。應時申削籍。無口稅。人獲息肩。其政四也。修職奉符。不爲進越。下有鬱滯。必掣肘諭言。每課田租。時臨調賦。寬爲口約。曾無再輸。其政五也。此地俗多儻伎。跼躑彈絃。素曰難持。案金石萃編云。當是治避高宗諱。猶治書侍御史作持也。其說是矣。更承寬弛。公整其銜策。謫其權豪。輒去害羣。悛心斂跡。其政六也。先縣館宅。湫漏與百姓雜居。公薄責人。傭先

續苑十八

三

抽已俸。雖與慮始。而可以樂成。其政七也。是以廉平稱職。西河知魯衛之風。清儉當官。南土變夷齊之俗。可大可久。是謂賢人之德。惟幾惟深。以成天下之務。公儀如繪畫。神若轉規。聲以聞於震雷。用無待於周月。惠如春露。吏人不能窺喜愠之容。結若冬冰。貨殖不能動首陽之行。蓄霜鍾於絳府。有感必通。淒月鏡於臺。觸形皆照。邑老謝虔祐等。並鄉庭積善。掾吏安排。行義以達其道。隱居以求其志。相與族談。談城府。錯立康莊。裒德匪舒。宣風技癢。或叫帝閭。而抒美。或邀使駕。而論功。衆志口誠。如寒附火。於是圖徽翠。託懿金聲。其詞曰。

清風汎濫兮其來溥。茂宰馳能兮超卓魯。雞犬相聞兮人安堵。一同仰之兮如父母。聽謳謠兮詢疾苦。踰屬城兮光趙部。趙口遺風兮多懷忭。君子爲之屏姦偽。化澆浮兮勗以義。邑口口兮市無二。政勝殘兮仍博施。如水火兮時不匱。刻石鐫金兮遠傳懿。直爲循良兮守名器。開元二十四年歲在困敦律中夾鍾八日建前鹿泉縣令邵混之篡。蔡有鄰書。

續苑十八

三



